

雪門詩艸 五冊



雪門詩草卷十

上元初集

善化許瑤光

雪門甫著

書

丁卯年

擬古樂府

西門行六解

出西門見落暉清風散浮雲暮是而朝非

志立志當及時宿鳥投林急何能徘徊叢莽待來茲

仰高山俯碧流請携二三子可用散吾憂

霞江颺漾水花暮遊亦云樂何必遽還家

雪門詩草

卷十 上元初集

迴金戈娟娟初月續嫦娥把酒對月聊放歌

訊盤古皇開闢天地皇主張請銷劍戟勤農桑十二萬

年長永康

東門行四解


出東門見朝霞休恃日色早浮雲易蔽遮更防風雨多

橫斜倚劍登高臺良朋阻勿來他人但願金碧多

鬼而我止欲平地藉蒼苔

下有清流之碧潄清和天氣隨處好君宜自愛莫高心

君宜自愛莫高心望君薰風聊鼓琴蒼梧綠竹之中



有知音四

有所思

有所思。乃在軒皇之上。炮媧之前。戈矛刀劍。尚未鑄。鰲石不補。乾坤全穴。居者龍蛇。可侶野處者鹿豕。與緣。肝肝浩浩。完其天。兄弟乃各數萬年。胡爲乎弧矢作。而鳥亂於霄漢。網罟結而魚亂於淵泉。銅山鐵山相熬煎。地脈鑿傷。兵革連機。心日以深。矧心日以起。太白西輝。流火駛。硝磺之烈。甚金矢。誰爲戎首。燧人氏乃知。離象甲胄。蓋取此。

雪門詩草

卷十

上元初集

二

有所思。乃在弱水之外。蓬萊宮。神仙獲福。何從容。長年飽啖蟠桃紅。不理上元之樞紐。不司下界之雨風。但乘白虎駕蒼龍。往來紫宇參長虹。借問有何長技藝。擊入璈兮吹鳳笛。黃姚格四表。白環進以獻忠周。穆御八駿。瑤池宴以曲從。不將君諫。將君逢媚。茲更比凡人。工滄桑。換小劫。避居東海東。無心理亂講。飛冲黃金點。得妙手。空吸盡。日月光華。濃更飲石髓。名山窮乃知。神仙本是彼。蒼游蕩子。嗜好乖僻。情性慵拙。哉留侯一英雄。胡何晚年辟穀效。亦松。

牆上難爲趨行

寸草難爲芻。尺布難爲襦。藍縷無寶玦。荆釵無明珠。偈  
仄復偈仄。牆上難爲趨。豪華饗土賓。階除傾餘珍。貧士  
少顏色。客至烹寸鱗。重臣配山岳。雲雷生掌握。下僚澗  
底松。鬱鬱徒自覺。山徑何谿谿。曲巷何狹斜。駿馬逞不  
得。不如騎蹇駟。

煌煌京洛行五解

削竹爲刀塗以黃金。非不光耀刺人不深。一解平臺盛賓。  
西園多士。鄒馬文章。神游千祀。訪以韜鈴。不對而起。二解

雪門詩草

卷十

上元初集

三

燕齊等列契稷同。驅東西二京。十家有餘華池豐屋。風  
流相扶。伏波未盡。今古躊躇。三解安車駟馬。後堂絲竹。縮  
縮佞臣。無救國蹙。仗馬何靜。神羊何伏。依樣胡盧。聖躬  
萬福。四解亦有貔虎。可作干城。歌臺舞榭。久倚承平。操弓  
射雉。駐馬聽鶯。邊陲息警。那用神驚。五解

門有車馬客行

門有車馬客。來自故鄉里。斟酒訊舊交。半隨朝露委。去  
者已陳人。存者成窮士。當時華屋居。今日藁門裏。宇宙  
征戰多。兜鍪致青紫。鬪雞走馬兒。橫壓讀書子。世路有

翻覆文武相終始。寄書慰故人。且莫棄經史。

白頭吟

淋漓雨中花。飄瞥風前絮。世間美人不白頭。天上春光應不去。昨夜團圓月。今夜減容輝。嫦娥羞澀避海底。初更不敢出雲飛。願得有情人。纏綿終不違。開我玉缸酒。舉我翠羅幃。照我菱花鏡。顧我流黃機。妾願下機爲君醉。娟娟紅顏鏡裏歸。

君馬黃

君馬黃。我馬白。君馬紫韁出天閑。我馬連乾來澤國。相

雪門詩草

卷十

上元初集

四

逢俱在長安陌。長安城中多酒家。君馬驕嘶踏落花。我馬背有金剗。痂十年戰陣爛。風沙旁人。不問馳驅事。但將兩馬顏色誇。揮鞭不與語。去走吳天雨。舊壘壕邊青草多。寶刀鈴匣健兒駝。更騎繞海看山河。

今日樂相樂

花外東風作。今日樂相樂。傾山羅陸珍。倒海搜水錯。不喚自然前。佳人牽繡薄。銀燈送醉歸。還訂來朝約。

三婦艷

大婦諳調羹。中婦爛刺繡。小婦學吟哦。看花永清晝。玉

貌日亭亭。端底爲詩瘦。  
大婦倚姑愛中婦。自嬌態。  
小婦儒家子。禮儀嫻進退。  
卻雙鳳釵自摘。幽蘭戴。

估客詞

徽估販茶往浙。估載絲來。  
小婦向客笑。淞江海市開。  
船載泰州鹽。人在揚州住。  
隋隄楊柳多。烏栖夜何樹。  
客來潮正落。姊妹勸客酌。  
住船如住家。惟有錢賭樂。  
問客何處來。來自五羊城。  
手解伽南串。殷勤贈有情。

前溪歌

雪門詩草

卷十

上元初集

五

門前天桃樹。花發門前渡。  
東風爲阿誰。吹花過溪去。  
蓮花嬌且紅。欲摘阻水中。  
語歡搖舟來。雙槳且從容。  
儂踏前溪露。歡待前溪月。  
月出覩歡腰。尚繫儂贈帕。  
約歡前溪去。雙雙溪合流。  
中有金鯉魚。與歡同下鉤。

阿子歌

阿子復阿子。生來好容顏。  
不攀山上桂。長住藕花灣。  
南湖多菱角。東湖多雞頭。  
雙鳧隨處好。何用將飢憂。  
家鴨眠菖蒲。野鴨臥蒲葦。  
醒啄灘邊蝦。濡首不濡尾。  
白鷗與鴻鷺。生小不相識。  
各自尋伴飛。各自銜魚食。

君子行

君子防未然。謀老於少年。么鳳伏丹穴。穉龍蟄淵泉。文章備儀羽。霖雨任仔肩。悠悠閑歲月。寐長自鞭。奚止慕榮達。萬事完先天。一朝得假手。乾坤藉轉旋。君子防未然。思亂在安全。朝堂鋤佞草。原野薶莠田。小○人○不○可○長○。千○古○治○術○詮○。優○容○固○滋○蔓○。少○縱○亦○遷○延○。白○日○威○不○耀○。眾○沫○羅○青○天○。清○風○掃○不○力○。浮○雲○迷○岳○巔○。盜○智○過○君○子○。鬼○蜮○睂○睫○前○。所○以○古○傑○士○。腰○間○佩○龍○泉○。

吳仲儂制軍度歲於嘉興作此

雪門詩草

卷十

上元初集

六

紅霞江閣放晴天。玉節停舟此度年。十載孤城淮水上。兼圻重任海雲邊。天知廉吏酌庸厚。人道中興佐命賢。

謝令津門温六合。他時青史共流傳。咸豐間公宰清河天下稱縣令

捍賊者以六合温紹原天津謝子澄及公三人為最著

四月

南風四月壯。眾綠蕩波濤。海島白雲去。江天赤日高。孤花時婉轉。雙燕自劬勞。蠶事喧應好。新絲處處縲。

寄贈申江王叔彝觀察時應官紹興

稽山鏡水畫圖開。標舉風騷仗逸才。知否春申舊時月。

尋君夜夜到蓬萊

黃金不惜把詩搜。集選同人刻應求。湖海名流齊下拜。

英靈可嶽共千秋。君自刻怡安堂集更刻同輩詩顏曰應求

題遍蒼苔鶴定噴。吼山石壁見詩新。海潮退舍越人喜。

道挽狂瀾筆有神。君構亭榭於吼山題詩其上今年三江開通籌捐濟工與有力焉

十年前我宰三衢。君捍西江一旅驅。此日東南解鞍馬。

酒醒還拭寶刀無。咸豐六年廣信徽州告警君帶兵防常山

初秋游南湖時清暉堂落成

輕雲不作雨。城郭送新涼。一棹南湖去。清風菱芡香。詩

雪門詩草

卷十

上元初集

七

情飄翡翠。秋夢醒鴛鴦。遠岸煙光綠。人家未剝桑。

年豐民氣樂。堂且築清暉。碧月從新照。紅霞依舊飛。湖

山資潤色題詠藉。芳菲莫問殘磚字。滄桑有是非。

刻梅花道人竹於清暉堂并系以詩

鴛鴦湖上釣鰲磯。舊時翠竹舍煙霏。兵後何有有枯筍。

孤負清風無處歸。我藏梅花道人竹。枝枝搖曳秋雲綠。

刻石湖中龍夜吟。碧波萬頃旻寒玉。滄桑金石半銷沈。

藉與邦人話前躅。我聞道人劍術奇。臨老卻題和尚碑。

仙耶佛耶且莫辨。筆墨自與乾坤垂。魏塘墓前刻八竹。



題詩字字騰蛟螭。究竟道人以竹重。至今重竹兼重詩。  
人生那可無絕藝。丹青也定千秋計。我思古人貽後人。  
他年應入禾中志。

賞菊

官閣勝山家。圍闌菊影斜。天開重九宴。人愛暮年花。東  
海滋朝雨。南湖過晚霞。只憐雍州谷。尚冒戰場沙。  
簾捲西風起。秋光好過春。繁華偏永壽。幽艷不迷人。弄  
影蟲吟月。憐香蝶抱晨。持瓶霜裏灌。冷淡出精神。  
朵朵向秋日。誰言性喜陰。栽培一年事。繫戀小春心。楚

雪門詩草

卷十

上元初集

八

國離騷富。陶家雨露深。五旬余髮白。狂欲滿頭簪。  
葉瘦花非瘦。茶香酒更香。一囊仙藥飽。半枕夢雲涼。那  
用多錢買。居然遍地黃。中華有雷傑。種莫問東洋。  
艷放人爭賞。未開誰見憐。編籬遮俗客。掃徑醉霜天。小  
女愛纖朶。家僮汲冷泉。櫻桃如結實。平地已神仙。  
黃金色固重。潔白更宜秋。一洗羣花俗。能消落木愁。功  
名思戰甲。時序近輕裘。休怨無同伴。芙蓉翠滿樓。

涼夜

風定雲自流。飛飛萬里秋。疏星與明月。永夜傍高樓。露

壓江城桂天圍海角舟但無別離感蟲語那關愁

八月

八月涼秋熱更乘天心應為桂花蒸浙人謂八月涼為桂花凍熱為桂花

蒸香來鶯嶺蒼毛栗枕人謂早栗為桂花栗熟到鴛湖沒角菱湖南

菱獨無角歸燕海村潮欲上殘蟬江樹月初升魚龍雖冷雲

霞艷獨倚高樓最上層

秋遣

門外黃葉落庭中黃花開天涯秋色遠海國故人來涼

意憐蟲抱新詩藉蟹催蕭閑娛白髮看月夜登臺

雪門詩草

卷十

上元初集

九

秋曉

殘月尚未落收光讓日明若然東海上無限曉霞生郭

樹明秋色江船趁早晴寒蘆堆路碧冉冉有人行

卽事

捻逆青州擾星輶繞道馳秋闈無幾日浙士候多時鹿

挺餘氛急鴻飛八月遲長淮連海岱風攪桂花期

昨夜窺天象歲星齊魯分竄邊無活着張綱有雄軍萬

竈黃河水千旗羽吠雲垂成仍戒慎東顧廟謨殷

哭繼室朱淑人

深悔吟詩成讖語。果然秋夢醒。鴛鴦愁雲結屋。天無色。  
碎雪飄燈夜更長。青鏡廿年鋒鏑半。黃堂四載髣髴。毛霜。  
九泉姊妹花如見。雙淚盈盈出閣將。

戊辰年

開簾

寒食東風暖。開簾見海棠。烟花娛客老。日夜入春長。曉  
夢從鶯喚。詩情共蝶忙。閑齋無俗侶。金鴨伴昏黃。

春色

春色海雲黃。桃花帶夕陽。風前雙燕舞。霞外一鶯翔。天

雪門詩草

卷十

上元初集

十

地蒸和氣樓臺換。艷妝韶華千萬象。攬入詩囊。

小園

小園春事艷。客去更看花。簾碧桃枝影。泥紅芍藥芽。蕭  
閑酌造化。浩蕩任天涯。傲吏貪吟興。清明早放衙。

春寒

燕語庭逾靜。花遲春更長。怯風難卷幔。辟濕自焚香。天  
抱冬心固。城連海氣荒。縱寒能幾日。時已及蠶桑。

花落

花落不須愁。青陰庭苑流。狂紅輪靜綠。夏憩勝春游。風

雨魚苗化兒孫燕壘謀。勸農前日出。白水滿青疇。

山東餘檢正月經官軍濫平

捷報金陵已五年。中州餘孽尚幽燕。精兵北擁神京固。健將東追表海旋。生縛渠魁乘雪夜。不留片甲洗春天。金泥玉檢成功告。請樹豐碑泰岱巔。

今年

去年春色好。小女游花前。今年園花開。不肯看春妍。素服傷母背。感我肝腸煎。我老那耐愁。鬢髮俱華宣。摘花銅瓶供。破此寂寞緣。小婢不解事。重話主母賢。種花培

雪門詩草

卷十

上元初集

十一

厚土澆花汲清泉。折花不傷幹。簪花及時鮮。花好人何在。今年非去年。新愁觸舊恨。痴語倍纏綿。纏綿終不已。孤蝶來翩翩。

早起送客北郭遂遊南湖

侵晨送客客已去。扁舟遂向南湖渡。搖蕩晴雲海上來。照見湖中鴛鴦住。湖中水氣共雲飛。青入濛濛楊柳樹。僧人怪我平旦來。清暉堂前門乍開。那知太守抱逸興。飄然身被春風催。非訪桃花非問李。曠覽自足娛胸懷。天邊獨樹想孤直。沙外閒鷗忘嫌猜。乾坤俯仰饒樂境。

那判泉石與塵埃。我從南湖望城郭。樓臺靄靄春燕託。  
比到城中憶南湖。煙波漠漠游魚躍。飛潛隨處化機通。  
而我何容心強著。喜即出游倦即歸。春波門曉路人稀。  
歸來齋閣更何事。金鴨焚香脫繡衣。

遣興

撫琴不如看花。飲酒不如啜茶。世間樂事。閑靜好。底用  
逐逐爭諠譁。不招自至。東海月不染自艷。西天霞竹籬  
茅舍足幽適。歌臺舞榭多欹斜。一洗浮華見真性。浩浩  
落落吾生涯。

雪門詩草

卷十

上元初集

十一

朗月行

山居明月出山巔。海居明月出海底。不知明月果何出。  
人生總就目前指。迎月人多送月稀。幾人看到五更時。  
且喚嫦娥吹玉笛。殷勤爲我照瓊卮。

種芍藥

三年種芍藥。根傍牡丹臺。三見牡丹紫。不見芍藥開。客  
言兩美不可并。名花宛轉懷妬胎。楊妃擅寵梅妃泣。蛾  
眉自古多疑猜。欲乞東皇憐。恐奪東皇寵。草木無知若  
行。知娟娟。何況多情種。賓鴻將至雙燕歸。明月既出羣

星微蝴蝶過墻鶯避席東風搔首看花飛

示留春陸姬

杭州城中良家子十齡避兵浣溪水慈烏饑死雛鴉孤  
宛轉黃堂供指使上元花甲兩浙平太守飲馬南湖清  
奉帚掃花三月暮舉杯喚以留春名春庭明月隱江霧  
小星轉照由拳樹問年庚戌重陽生時余試仕六橋步  
干戈仕宦締良緣深深煙雨樓邊住不知歌舞但焚香  
麗色延年誦江賦

周壽山方伯自閩繞滬至禾舟叙

四月二  
十七日

雪門詩草

卷十

上元初集

三

少師恪靖壯從戎屢荐開藩福海東今日啟舟兼布被  
高談朝政及邊功憂時遠灑秦關淚論戰遣誇楚廣雄  
贈我一言揮手去勉旃循吏古人風

種桑詠

新春事少畝河泥輕舟載歸覆河堤老桑待培新待種  
疎疎密密堤東西春分芽黃穀雨綠葉大如掌光如玉  
村姥青裙笑語來海濱雨露年年足勤人休種鳥銜桑  
紫葢纍纍惹鳩啄鳥桑野桑也不葉先甚不  
宜蠶而宜鳥故謂鳥桑

採桑詠

清明上已俱晴天。今年蠶熟養去年。採桑風暖黃花徑。  
買葉價長青銅錢。葉貴蠶多繭重疊。小婦笑動梨花顛。  
卻憐隣姥獨徘徊。園葉青青債戶來。不賣新絲賣新葉。  
年年不及待春回。江浙貧民種桑者未葉先賣謂之拿青葉錢

剪桑詠

昨夜霜摧桑葉黃。家人剪桑條長。翦多枝頭作拳腫。  
有似凍雀霜林竦。青皮擣紙葉飼羊。柴甚浸酒秋來香。  
明年一抹青雲近。不須梯倚東家牆。

纒絲曲

嘉湖貢絲例八千餘斤六年奉減一半

雪門詩草

卷十

上元初集

陰陰綠樹籠村莊。南風竟繭村路香。纒車軋軋碧窓裏。  
小姑簪勝雙眉喜。笑指新絲銀縷長。宛轉金梭足羅綺。  
天家有詔減貢絲。借問小姑知不知。

又

五年夷人構烘繭竈於嘉興之餘賢球以鐵畏屋畏延燒也

青蠶三眠作繭鮮。紅蠶四眠繭更圓。纒罷絲絲上機杼。  
爲經爲綸聽織女。調停水火得中和。溫柔引出纏絲緒。  
卻訝西洋烘繭方。鑰鐵畏屋銅作牆。以火熏蛹蛹蟄蟄。  
輪船載去千萬箱。彼族毳服無文章。令人不解徒傍徨。

菜花詠

江南菜花黃似海。春來千萬游蜂采。香送蜂歸釀蜜成。  
家家打子南風晴。雀膏滴滴真珠聲。美人添燈迴光明。  
蘭窓夜雨話三更。

竈戶詠

海濱刈蘆蘆葉乾。刮滷沙灘天風寒。石蓮試味知厚薄。  
鐵盤銅鏃聲珊珊。沸湯之中撈白雪。千年煮海海不竭。  
竈戶團丁半苦辛。萬引千綱富商掣。

燒香船詠

天竺香船之盛無過嘉湖連檣同行幾無虛日

駕湖二月三月天。湖波續續來香船。高卓黃旗表天竺。

雪門詩草

卷十

上元初集

十五

士女兀坐如安禪。沈檀煙漲江雲紫。木魚聲蹙蛟龍眠。  
東風送泊吳山驛。杭人呼作燒香客。一路西湖有送迎。  
雷峯塔紅保叔碧。共向靈山乞佛慈。果誰甘露深承澤。  
齋壇拜罷歸北關。拱辰橋下水潺潺。蠶桑大熟人壽考。  
滿船都載福波還。

過朝鮮難夷作

白衣圓領髮覆額。乘槎東海遭風厄。飄流遇拯到中華。  
中外昇平方一家。給衣給食給船載。遣使護送天之涯。  
慎聽約束歸故國。宜感皇家綬遠德。琉球又報難夷。



過東南海濶真難測難夷過無虛日需索頗甚恐外國流氓有倚此作生涯者

初夏村景

桑剪重生葉家家養二蠶。溪橋青艸漲村落綠陰涵野  
葛藏蛇密香蒲睡鴨酣。潘園梅雨過紫李味應甘。

雨止

雨打萬芭蕉。颯颯似怒潮。狂風吹忽散古樹綠橫搖。虹  
掛江城晚。龍歸海霧消。經綸有舒卷搔首對雲霄。

題吳江許竹溪夢鷗圖

白鷗生長湖波中。芙蓉花開閑睡濃。不知睡穩有夢否。

雪門詩草

卷十  
上元初集

十六

浩蕩應與蒼煙通。君態蕭閑與鷗似。詩思蒼茫落湖水。  
青蘋飄蕩紅蓼搖。悵然渺渺無知己。忘機羞有水鳥同。  
一枕游仙秋色裏。萬頃澄波天倒開。碧蘆深處煙盟喜。  
醒來此身在高閣。滿地蒼苔鳴白鶴。重尋舊夢夢匪遙。  
一笠湖雲青漠漠。出夢入夢身如仙。皤皤白髮八十年。  
寫圖徵詩興不淺。題罷長歌驚醉眠。

題蓮塘睡鴨圖

蓮葉如青雲。南風吹不消。蓮花如片霞。倒水微紅搖。舒  
鳧泛波來。葉護花相招。清涼無六月。世界香迢迢。好夢

誰驚覺澄潭金鱗跳

題郭曉樓鐵如意室圖

如意為文信國物銘曰非竹非玉出自昆吾指揮三

軍張我令圖冊或溢驕運志珊瑚郭君得此名其室

我聞信國松風琴流傳閩中何氏家又聞寶硯玉帶生

竹垞作歌紛天葩因君更識鐵如意廿四銘言金篆斜

南渡河山悲蟋蟀冬青樹樹啼昏鴉匡山一洗天水碧

珠襦玉璽隨風沙惟有孤忠留手澤照耀西浙之雲霞

西浙收藏原富有商鬲漢銷爭不朽倦翁銅爵鏤精忠

兵火頻年今在否閣題天籟琳瑯儲至今人羨項尚書

雪門詩草

卷十

上元初集

七

此物云從項氏得寒光萬丈凌青虛乾坤正氣浩歌在  
耿耿浮雲百沲除六百餘年吐光怪指揮白雁迴江湖  
舞赤亭之煙散招錢江之潮趨興來洗滌古人憤明月  
清風提玉壺當時橋亭尚有買卜硯何不搜訪歸吾廬  
庶幾文事乃與武備俱

秀水令郭藕汀以惠泉見貽詩以謝之

秋風未泊惠山船道出毘陵憶廿年已憤青烽焚蟻賊  
深慙團月負坡仙坤維有幸蘇靈脈官閣長清致醴泉  
五月南湖過暑雨與君消夏證茶禪

題臧可園大令雙杖圖

曉天攜杖駕湖曲。竹籬花亞書聲續。晚來攜杖鳳皇洲。  
嘉禾穗穗黃雲秋。稚子懽呼白髮歎。課農課士皆賢侯。  
我心生妒卻生羨。閒圖况憶當年戰。扶創裹痛甬江城。  
收復曾驅海外兵。一洗鏡湖明月朗。錢塘白馬卷濤聲。  
飛芻挽粟軍儲急。借籌爾我同晨夕。十萬洋和番舶裝。  
峩峩穩泊西興驛。湘中義士飽且歌。遂定西浙之山河。  
從此東南武成告。我來亭下流虹導。君時攜杖亦來游。  
倩我作歌暢吟嘯。歌裏雙龍天矯飛。釀成雨灑釣鼈磯。

雪門詩草

卷十

上元初集

六八

扶危拯溺又三載。坐見黎庶完瘡痍。依倚乃知雙杖力。  
壽身壽世同銘德。一歌不已更題圖。紅樹林邊拄秋色。  
閒讀穢經有所思。苞桑磐石聖人辭。安治不忘危。亂日  
繪圖之意悵誰知。

題曹薺香采菊思親圖

深恩罔極借花酌。花發花枯失白頭。花若有知應抱恨。  
垂垂色變白雲秋。

送鄒子香乞病歸里

八月南湖桂香風。繞客舟。孤帆向何處。雲碧楚江秋。

業看歸燕行藏問白鷗。湘山無限好。到日菊花稠。

有慨

從戎方叙爵。助餉又酬官。戰伐民生苦。艱危仕路寬。青雲騰草莽。明月問衣冠。試看天錢采。居然列宿蟠。

成廟乘乾日。捐途隘柏臺。勉從農部請。何碍豫工開。紹

聖文宗志。初基恩詔裁。那知丁粵變。無計挽瀾迴。道光

元年停捐旋以河務不得已復開豫工卯然三十年中無由捐途擢至臬司者咸豐觀政亦詔停捐卒以粵事棘而開

米銅中外異。銀鈔折交分。火器京營制。錢捐閩海文。滇

雪門詩草

卷十

上元初集

十九

黔催協餉秦晉駐。饑軍况復塘工急。田廬保護勤。舊捐多富室。今漸爲貧捐。統袴圖生業。寒儒冀俸錢。豚蹄田父願。曠餌釣師權。操約懷奢望。蒼蒼問彼天。

有客秦中來

時劉水如廉訪由陝西糧道擢浙臬

有客秦中來。因話秦中事。不言回亂訐。但言食粟貴。前年斤麩價百錢。今年價又加三倍。米價更較麩價昂。無人敢問稅與糧。廬舍焚盡牛籽絕。可憐萬里皆沙場。西不必問青海北。不必問甘涼。褒斜子午時。通塞三邊搖蕩無完疆。不耕固坐斃。耕亦資賊糧。坐此軍饑力戰苦。

坐此獸困挺走狂。豈無荆楚之糧運。西望潼關道路長。  
華岳蓮花日凋落。難斟北斗挹酒漿。我思長安乃古帝。  
之都會。雄圖三輔誇。無外長城天府控。東南驃騎曠兵。  
策邊最。五時會。祠雞馬神萬年應。保金甌。泰胡爲乎弱。  
水西流出雍州木。落山空鳥鼠。秋千戈正急。饑饉荐落。  
日黃河曲曲愁。

阜林曉發

舟發雙橋天欲明。炮船鼓尚報三更。時平萬事關心少。  
那止村醪誤老兵。

雪門詩草

卷十

上元初集

二十

秋江晚泊

朝陽紅樹潤。夕陽紅樹嬌。秋江無限好。孤棹泊長橋。酒  
醒白虹起。詩成碧落遙。臨風一長嘯。木葉下蕭蕭。

三更

海月二更吐。東隅星漸稀。長河將北歛。流火卻西暉。畿  
輔烽全掃。秦關戍未歸。黃沙和白草。涼馬夜依依。

書事

去年樞密司文房。火起赭痕侵宮牆。今年灾告武英殿。  
四庫燒殘千萬卷。東南書籍已烽煙。秘本幸留人未見。

而此一厄難購求光。韶奎壁真奇變。上書修省宰相裁。  
聖人下詔停露臺。浙中有談象緯者。熒惑入垣昭天  
灾。小臣僻居東海側。別有私心相揣測。龜玉毀置兕出  
柙。不問典守咎誰職。君不見吏部胥吏欲舞文。乘間夜  
將檔冊焚。戶部天庾何鄭重。虧短米以十萬聞。武英清  
秘。豈有外人至。琳瑯恐肆攘。竊羣蠹魚食。字託仙去將  
疑。將信看浮雲。禁城國社噪妖鳥。胡不先將狐鼠熏。

掃菊志感

栽花庭宇覺繁華。掃花庭宇亦清靜。繁華清靜各有時。

雪門詩草

卷十

上元初集

五

機蘊卷舒皆妙境。天無春而不秋。物無發而不收。寒雞  
缺月苦夜永。昌黎何事多離憂。况復橙黃橘綠日。乾坤  
肅穆人清邁。閉戶開牕溫舊籍。瓶有黃花香可斂。

題嘉善善學博朱寶慈桃源圖

君家鏡湖接天台。仙人桃花雲中開。看花沿水剡溪入。  
境與武陵相追陪。武陵避秦非避世。桑麻也染桃花麗。  
應有祖龍未火書。尋仙可遂求書計。君本讀書羲皇年。  
何因欲觀塵外天。毋乃瓊思與瑤想。搜羅秘笈從神仙。  
儻得黃農典墳冊。煩君貽我三數篇。

題秀水沈君古梅圖

殘臘能送春能迎。嚴霜朔雪梅與爭。古心古貌本無侶。  
况復百年老幹撐雲縐玉鱗。龍矯矯風敲鐵骨水琤琤。  
先人手植後人護。寸心上對孤月明。於今梅樹竟何處。  
展圖菲菲起香霧。筆墨長流祖澤芬。旁人何事悲枯樹。  
憶我青溪作宰時。錢君曉村名斧宦得相知。曾贈梅花  
寫長幅。未遭兵火今在斯。此卷亦是錢君墨。撫玩喜極  
轉太息。故友飄零宿草青。烽煙廿載昏南北。金石銷磨  
片紙存。收拾儒門懷舊德。人言南湖古梅多。曾伴太守

雪門詩草

卷十  
上元初集

三

日娑娑。兵後官齋無一樹。我來補種澆清波。新梅能續  
古梅艷。古人春讓今人占。樹木成陰待十年。與君共此  
栽培念。

己巳年

元宵日出遊天竺靈隱

不知今日是元夕。閑情卻問西湖碧。長橋雪霽泉水清。  
花港魚啖野梅白。新歲杭人拜佛忙。我行前後隨香客。  
小憇法鏡趨法喜。一路松篁嵌峭石。山門已到不遽入。  
旁行曲徑尋幽迹。老僧邀我入寺茶。東堂一樹玉蘭花。

花前方竹茁青筍枝枝搖曳東風斜憶我十年前到此  
殿後高閣松櫟峙翠濤聲卷四山寒猛省諸天清淨理  
茲來閣燬樹亦稀兵火無情石痕紫白衣仙人守杭城  
卒化伍公舊祠裏成住壞空如輓轡金輪鐵輪相終始  
慈悲睟容有生滅甘露湧入羅刹水太息劫風墮蓮花  
莊嚴寶相亦如此那知名山千萬年不與蟲沙隨變遷  
龍飛鳳舞開淨域寶座依舊青雲巔世間佛慧倚山脈  
山川定矣佛亦旋三竺佛力信廣大沉檀香漲滄江天  
靈隱香火不及此飛來峯下饒冷泉玲瓏古碧疊屏嶂

雪門詩草

卷十

上元初集

三

北山境比南山妍世尊五百縱黃土凌雲古木終昂然  
白鶴穩眠蒼鼠挂時時寒翠飄吟肩路轉峯迴一亭綠  
我來獨坐看修竹更穿石洞肆幽探天光一綫窈相燭  
亂後重來已隔生巉巖古佛卻舊熟清極寒多難久留  
出望北關尋歸舟六橋行盡得平曠臨平山又隔江浮

長歌行贈李樹唐

咸豐初服余青年攜劍試礪西湖泉晤君行宮左壁寺  
禪房花證會面緣今日鬢髮兩人白鴛湖雪夜話曩昔  
紅爐暖酒不知寒醉後高談燭花碧當年宦浙楚人多



兩度干戈剩幾何。我如月桂斫不死。君如扶桑經海波。  
海波搖蕩蜃樓起。癸丑之春至甲子。金陵初陷講邊防。  
宣防徽防衢防起。籌餉籌兵近十年。寇來倉卒無人抵。  
貔貅百萬化蟲沙。朱提千萬隨流水。錦繡湖山珠玉人。  
黯然而碧血。青煙裏。賴有元戎楚上軍。百戰百捷仁義聞。  
本以清卿棲柏谷。倏膺帝命掃妖氛。方辭木質關防。  
去。杭州既陷閩督奏請恪靖護浙撫刻木質關防遣員。  
賚至營恪靖叱而退事傳至京師人爲之諺云左京。  
卿不受。木關防。旋拜金鑾節鉞文事到艱難人斂手。孤鷹盤折。  
出鴉羣登高遠望。東西浙越地吳天。慘淡雲我輩不知。

雪門詩草

卷十

上元初集

三

危險局相從。同至澱水曲。三衢先保上游城。十郡漸支。  
糜爛木冬取。嚴州春婺州。紹興戡定杭州。蹙富春大戰。  
卷秋濤。萬馬齊飲西湖淥。靈鷲峯頭展翠旗。嘉湖荷鹿。  
台淮師。紅旗報入。龍顏喜。金券酌庸鳳簡馳。已散舊。  
僚紛復集。欲歸都護漸。旁窺昔日金甌成。破甌今時殘。  
角復全棋。父老道旁載箬食。咨嗟太息楚廣奇。究竟風。  
雨河山苦。其中實際少人知。憶我二人赴營日。千村萬。  
落皆荆棘。荒原戰骨長苔青。破屋殘尸經雨黑。野獐失。  
洞巢。濠邊羣鼠無家穴。營側蟬聯餉運西江來。常玉隔。

斷飛芻力。可憐雨雪已無衣。可憐籌唱已鳴饑。起病扶  
羸。頻決戰。果然霹靂振皇威。堅持不畏封狼突。神速  
終張殺虎圍。不有仔肩同鐵石。那能敗壞轉戎機。於今  
東南已大定。平吳有頌誇功勝。不知前敗不觀今吉祥。  
膚語何堪聽。舊友晨星落落稀。風雲變態憑誰證。中興  
運際憶前艱。幸有同心歌可贈。

台灣行

前年將軍攝閩督。欲調我守台灣城。中丞馬公勉留住。  
飽飲鴛鴦湖水清。今年台灣夷務棘。戕我閩猶猶得色。

雪門詩草

卷十

上元初集

五

閩疆擇人作保障。書到杭州飛羽翼。得免風濤渡炎海。  
鈴轅實賴同年力。我生孱弱亦何能。敢作鐵柱蛟龍國。  
胡爲數千里外屢相招。使我南望仙霞生太息。我聞赤  
嵌之城近疏球。長年蒸熱無清秋。古樟老松宿妖魅。旗  
石柱礁森戈矛。冷水之金不可拾。雷霆伺守人人愁。暗  
洋藏鬼蝕魂魄。紅梢蟠蛇觸行舟。颺颺未作海先吼。三  
十六嶼同漂流。澎湖黛水且難涉。何況鹿耳門戶相環  
周。先時日本踞。後歸紅毛酋。勝朝遺孽開東省。欲效虬  
髯扶餘謀。傳三十年歷三世。那知天生嶽嶽靖海侯。雞

籠山前師左入牛心澳。畔兵右抽中軍八陣陣。三疊燒  
盡煩船鳥船如浮漚。從此天興萬年縣。改爲鳳山彰化  
郵。版圖入已二百載。海濫冥頑應漸改。昨訊渡海知交  
言。熟番尚頗知官宰。烏肩貝項藤束腰。鵝管橫書屋圖  
采。新婚出解吹口琴。殮人灌酒同糟蟹。雖無祖先有父  
母。且愛清潔勤掃灑。一入南路鴉猴林地屬。生番名侏  
儻。標鎗煮毒射野獸。鹿皮作裳血塗鬃。竊伏叢林嗜殺  
人。喜截頭顱如獲賄。南人黑齒醢人骨。離騷非誇今現  
在此輩。半人實半禽。付之化外胡深罪。惟有西洋日往

雪門詩草

卷十

上元初集

三

來○水○沙○榭○禁○漸○私○開○既○因○樟○腦○挺○戈○起○又○爲○馬○頭○譯○文○  
催○深○恐○覲○覲○生○挾○制○能○無○遺○釁○肇○禍○胎○儒○生○一○命○貴○行○  
志○那○爲○重○洋○生○顧○忌○治○民○容○易○治○夷○難○交○涉○動○牽○中○外○  
事○長○安○已○築○禮○拜○堂○通○商○隱○寓○懷○柔○意○外○間○細○事○如○牛○  
毛○電○線○早○達○天○津○地○煌○煌○疆○臣○掣○肘○多○區○區○隄○守○將○奈○  
何○

秦子散之少年繪觀海圖今老矣以前圖不肖欲

毀棄之詩以止之

秦子出此觀海圖繪自咸豐己未前當時白面今蒼老

流光變幻扶桑天。掀髯一笑問海若。丈夫意氣豪中年。  
指點丹青思改繪。似愛秋健慙春妍。豈知參天由徑寸。  
海波源出江漢巔。下經咸恒受大壯。奚若上經乾坤受。  
蒙泉。試讀犧經悟消息。後天自古不如先。何況蒼顏行  
矣。將白髮。人生浮雲同變遷。終讓蓬萊舊月圓。

前杭州太守薛慰農由西湖崇文山長移席金陵

尊經書院送行

君○本○海○上○之○霖○雨○變○爲○西○湖○之○春○風○春○風○來○往○無○拘○束○  
桃○花○吹○向○江○南○紅○元○武○湖○波○正○銷○雪○秦○淮○楊○柳○清○明○節○

雪門詩草

卷十  
上元初集

三七

絳帳談經夜漏深。琴瑟聲希碧簫咽。三月長干似舞雩。  
歸詠草長羣鶯呼。點檢六朝金粉艷陶鑄。名山道德腴。  
攜冷泉之判筆。斟餘杭之酒壺。閑向雨花臺上眺。富貴  
鍾阜浮雲驅。胸襟高曠取狂簡。笑煞尋章摘句儒。令我  
心隨長江月。照君晴窓琳瑯書。不識杏花春雨裏。遺夢  
六橋煙柳無。

二月

二○月○醉○東○風○濃○春○在○淡○中○一○鶯○啼○草○際○雙○燕○入○樓○東○楊○  
柳○舒○初○綠○桃○花○試○小○紅○韶○光○留○不○盡○斟○酌○悟○元○功○

塘棲曉發

扁舟昨夜塘棲宿。一篷碎雨敲珠玉。海雲搖蕩赤亭山。  
夜夢江花紅撲菼。醒來舟抵崇德城。飄飄輕帆風日晴。  
桑吐黃芽未成葉。桑田土潤人來耕。蒼松秀帶孤寺遠。  
小溪曲繞漁舟橫。人在春中渾不覺。三三兩兩黃鸝鳴。  
且搖雙槳隨春遠。柳外桃花一樹明。

燕至

秋風送燕去。庭苑遂孤清。春風卷珠箔。雕梁來歡聲。灼  
灼桃花路。飄飄楊柳程。輕身擅歌舞。巧動主人情。主人  
雪門詩草 卷十 上元初集 天

詠燕

不擇貧家富貴家。來時宇宙總繁華。香銜海國三春雨。  
舞動江樓萬樹花。解避風霜知世變。長攜伉儷到天涯。  
新雛紫頰能營壘。長夏溪邊芹又芽。

送蕭山令邊雪坡罷官歸任邱

此詩成未寄而雪坡病劇聞之臨終

遺命其子索書屏紙懸之齋側

我遊浙水今廿年。君進士出稍後焉。同遭兵亂同復職。

湘湖在蕭西南湖通雲煙前年君鞭象鞅寄痛挫泰西驕

悍氣彼族飲恨航海馳北控駐京之公使駐京洋人頭

猶欽差也法盧文達各國衙賢王卻贊強項吏豫章曾逐

耶蘇人滇撫田興亦誅傳教民江淮兩浙東逼海銅船

來駛紛無倫愚被利餌黠甘役華情轉與夷情親藐視

官府肆箝制短絳巧恃長鯨神揚州焚壇激民怒七年

民焚天主壇索償賣我通商臣君施一鞭究何補義袷別有

書生武因此賢聲播吳越白叟太息黃童舞今年罷官

倦欲歸自言今是無昨非笑汲西湖洗鶴髮搔首仰視

### 雪門詩草

卷十

上元初集

无

浮雲飛贈我虎口餘生記駿烈珍重前人徽有子賢達

孫挺秀故鄉蘆荻秋笋肥十二連橋躍金鯽沙堤重問

釣魚磯燕南酒狼賽越酒醉後長嘯驚落暉知君暮年

饒活計讀書閑考海防志懶視於今牧令書蘇州近刊

起見也一官得失區區事此書為整

### 題郭藕汀秀水同舟圖

郭君青州海濱客乘槎來向錢江泊茗水當湖起政聲

移琴昨歲秀州鳴州擅奧區水五色盈盈秋為使君清

訟庭無事盪蘭槩煙雨月波樓邊情江山獨遊亦良美

卻拉同僚六七子。把酒攜柑作主人。脫落青衫坐船尾。  
白榜烏篷何處搖。盟心笑指南湖水。臧君可圍諸城魁

梧君同鄉。手招湖上清風涼。凌晴霄光州高南軒荆州

鄉潘東湖順德仁人宰石門沈人宰海鹽次列蒼葭

白露俱中央。悵我未與思寒裳。喜我題詩同一方。鷗鷺

驚起翡翠舞。菱花藕花雙槳香。爲政風流今在此。交情

直與滄波長。蘭亭西園有圖畫。名流雅集饒佳話。宦海

傾排自古然。君獨和衷世休訝。方今國紀同治年。

璇宮寶印同道鐫。若游大川留召爽。繡衣鴻渚姬公賢。

雪門詩草 卷十 上元初集 三

上下一心太和召長江萬里無烽煙君之此圖卽此意

牛刀焉用笑管絃我思神州瀛海託有似一舟藏大壑

物與民胞休戚關憂固同憂樂同樂微斯人兮誰與歸

孤悰搖史滄溟廓

嘉禾詠爲慈谿宰賀仲肅作

皇清同治戊辰歲慈湖嘉禾吐三穗甘露布護黃雲屯

野人獻作使君瑞使君吾湘公子賢經術飾治東海邊

海上桃花四番碧和風甘雨撲琴絃懷州稽穀漁陽麥

善政今堪與古傳而君得禾不自有民曰使君君曰否

歸之天子。頌中興。鏤璧圖樽。答高厚。且言成周。嘉禾書。正是冲人。嗣政餘元祐。定襄獻禾日。哲宗亦在襁褓初。當今聖躬年鼎盛。璇宮日月照黃輿。東南大定買牛犢。更減額漕。吳民舒天使。玉帛祭南鎮。會稽古郡祥氛嘘。萬邦告綏。豐年屢茲禾之瑞。瑞豈虛。小臣遭逢明盛會。拜手稽首。湛恩沛官卑。難徑達天庭。文章報國將圖繪。寄我純冊。索我詩嘉禾太守五年時。黃龍紀瑞考吳史。丹雀銜莖結古思。喜報浙東吐奇瑞。乃知隆化超軒羲。上爲國慶下相慶。魯恭坐庭今在斯。導庖試擬相雪門詩草

卷十

上元初集

三

第一

贈瞿雅夫協戎

雅夫先從向忠武旋隨其舅氏鄧忠武於甯國  
咸豐十年守金壇被圍率難民數千衝至鎮江  
同治改元見重於左恪靖伯治温台盜藪積功  
入部以前年冬來署嘉協治槍船甚爲余助茲  
以期滿將去作詩送之

曾隨向帥觀旌旂。高密元侯舅氏威。更道金壇護民出。



單刀紅透百重圍  
桓桓恪靖耳君名持箭天台雁宕行從此杭州無後顧  
海波東望一邊清

論功晉爵觀 皇州猾吏吹毛故故留日下揮拳眞壯  
膽肯從刀筆博通侯

前歲南湖小雪天君來就我弋槍船輕裘犯冷淞江道  
遍索蘆洲夜不眠  
整飭軍容靖綠林嚴關鐵牡夜沈沈手栽細柳飛花好  
無那春風三月深

雪門詩草

卷十

上元初集

三

禾城小燕戀雕梁不及吳山舞鳳皇試上酒樓高處望  
孤鷹盤折海雲蒼

翡翠詠

翡翠本狂鳥歌舞林塘幽底事擅矜寵比暱青雲頭雲  
邊紫薇花光耀炫南國雨露不勝嬌妖艷逞顏色黃綠  
巢么禽竟比鳳皇翼鷓鴣不自愛銜魚供其食從禽日  
以荒鴆毒日以張上觸紫皇怒金彈來其旁斷竹復續  
竹消息難深藏慘慘北風勁波瀾生湖湖湘網羅布  
翡翠竟飛去名花狼藉紅可惜紫薇樹

米捐歎

病商之錢尚可取。病農之政不可舉。權宜濟餉仍守經。  
抑末敦本謀國苦。由此東南洗戰塵。馬放山陽牛耕雨。  
胡今湘中議米捐。科算乃從陌與阡。每租百石銀四十。  
排門攤派白冊填。幹吏四出洞庭沸。胥役突破衡山煙。  
謂可得銀六百萬。當事歡忭張華筵。大戶爲緩計。中戶  
暗垂涕。小戶最雌懦。纍纍犴獄繫。轉羨赤貧無立錫。饑  
寒不致爲田累。山村水郭靄愁雲。日望尺書降天際。後經

御史張竹汀  
奏陳奉停

雪門詩草

卷十

上元初集

三

春暮遣興

東風容易渡天涯。纔見梅花又杏花。難展碧梧潛放葉。  
最遲芍藥已抽芽。雲雷力鼓河山艷。水木思承日月華。  
記得迎春殊未久。勸農今又問桑麻。

僵樹詠

僵石塞溪口。詭譎生波瀾。僵樹塞道右。杈枒挂車鞍。豈  
惟挂車鞍。熒熒妖火寒。空心藏木魅。厲氣蒸菌丹。當年  
青雲姿。甘爲蛇虺穴。雨露不肯容。怒激雷霆折。今日憑  
社廟。節日愈惡劣。悠悠行路人。當此請回轍。蒼松千尺。

足棟梁小山叢桂亦飄香朝廷鄉黨兩不取何足與之  
論短長

寄會稽章梓良太史

秃鷲恒苦飽鸞鷲恒苦饑高高蓬萊山不得琅玕枝文  
章賈時忌經籍糟與泥五年隔江霧艱難寄新詩詩中  
燦珠玉光氣虹霓燭世態重黃金豐年無人鬻杜關謝  
客請自吟風雨三更一燈綠

題友人壽護圖

坤輿靜鎮斟靈祐護花自古多眉壽憶我先慈逾古稀

雪門詩草

卷十

上元初集

三

神明强健霜松茂篝燈課讀不知勞午夜拈鍼猶可繡  
喜談故舊說興衰細雨寒風永清漏鐵牙金齒頌宜家  
君家亦壽比堂花題詩正是端陽節淚灑薰風醉九霞

彭雪琴宮保見過作此

四月二十八日

宮保既辭官後築屋清泉山獨居養靜茲來游  
西湖渡江探禹穴訪蘭亭畫梅花於柯山之石

壁

水戰聲名照宇寰辭官來看浙中山郵亭失迓乘舟疾  
海國無波寶劍閑煙雨西湖孤鶴外風雲南岳臥龍間

梅花百幅詩千首。底事傷心印押斑。宮保有天下第一傷心人小印

八月十四同秦散之出郡齋步月

行樂儻及時。日日皆佳節。况茲秋氣清。河山涵皎潔。今夕月幾望。初更上城闕。天風散白雲。桂花落黃雪。欣然出庭除。豫玩中秋月。嫦娥亦何心。金波泛吳越。而我守東海。密邇蛟龍窟。扶桑玉露多。光輝倍澄澈。那能負良霄。坐令銀蟾沒。出門步高曠。縱覽詩心悅。溪明船燈青。樓高玉簫咽。夜久憺忘歸。良朋賴提挈。明宵會團圓。餘歡勸休竭。

雪門詩草

卷十

上元初集

五

中秋日雨

不恨中秋雨。昨宵月飽看。光陰宜愛惜。清福得艱難。天入江樓暝。雲連野桂寒。高燒銀燭飲。那去倚闌干。

南湖八景詠

有序

河洲苕菜江漢喬木風詩所載地以景彰矣嘉興南湖吐納茗雲襟城帶郭古奧區也而禾志只繪煙雨一樓何攬勝之少乎詢之耆舊云前代曾有八景之日而平章未確志闕不載未免煙霞減色矣余守嘉今五年憑眺川原俯仰風

月日之所寓有會於心爲湖山標異得南湖八  
景且繫以詩增嘉話也有客進曰秦駐秋潮獨  
山曉日非由拳之鉅觀乎即玉溪輦路橋挂雙  
虹胥山訪古劍試一石墨客騷人所宜流連子  
均不齒及而獨注意於鴛鴦湖得無拘墟余曰  
不然八景莫著於瀟湘而漁村遠浦山市江天  
無匪曲繪洞庭之狀卽西湖之孤山段橋南屏  
花港相去亦不過咫尺可知雨奇晴好會心原  
不在遠矣夫文章之事散而汗漫不如聚而結

雪門詩草

卷十

上元初集

三六

采景物者大塊之文章也何獨不然客唯而退  
因并記之以爲序

南湖煙雨

湖○煙○湖○雨○盪○湖○波○湖○上○清○風○送○櫂○歌○歌○罷○樓○臺○凝○暮○碧○  
芰○荷○深○處○水○禽○多○

東塔朝嗽

地○隣○東○海○曉○波○黃○縹○緲○朝○雲○捧○太○陽○吳○越○河○山○都○入○照○  
卻○饒○孤○塔○早○霞○光○

茶禪夕照

西麗橋波洗暮鐘。江天倒浸落霞紅。茶禪寺外灣灣水。  
霜葉蘆花一釣篷。

杉關風帆

蘇州估客布帆輕。買醉楓橋趁曉晴。一路東風吹酒醒。  
夕陽紅泊秀州城。

伍塘春桑

處處清溪處處桑。綠雲低護古時塘。鳴鳩喚醒黃梅雨。  
知否江村四月忙。

禾墩秋稼

雪門詩草

卷十  
上元初集

七

繡壤縱橫晚稻田。青林紅樹起炊煙。西風無恙秋收好。  
又話黃龍紀瑞年。

韭溪明月

萬古清光勝蹟留。月波樓在韭溪頭。白雲散盡長天碧。  
搖曳江城鐵笛秋。

瓶山積雪

試上瓶山莫畏寒。樓臺白玉倚闌干。雪晴海國陽春早。  
攪入梅花一色看。

構亦方壺於煙雨樓側題壁

既成南湖八景詩因構小亭於煙雨樓南刻詩  
嵌壁復構小軒於樓之西北顏曰亦方壺敬遵  
御製詩不蓬萊島卽方壺句意也

蓬萊在何許。縹緲不可求。何如鴛湖去。咫尺見瀛洲。古  
樹浸碧水。青挂珊瑚鉤。綵雲結不散。化石依高樓。樓中  
聞仙樂。列真來遨遊。靈鰲跣磯下。深潭驚潛虬。呼吸薄  
蒼昊。滿湖烟雨稠。雨散碧落淨。清風吹悠悠。悠我來搖綵  
筆。滌盪萬古愁。嗟然發長嘯。五湖雲意秋。

頌王母青詞

雪門詩草

卷十  
上元初集

三

青鳥爾何族。託身蓬萊巖。化雉而爲雌。使令王母前。啄  
我如瓜棗。食我太液蓮。敬聽玉皇約。掃花全天年。奈何  
恃寵犯仙戒。竟負天孫聘。錢債飄然自。駕五雲車不住。  
瓊宮來下界。爰居託蹟魯東門。欲賺臧辰鐘鼓拜。那期  
泰山巖巖高。入雲雲中使者健。不羣不問仙禽問。妖鳥  
殺之原野。雨血紛上報。王母王母大笑命。焚其巢。煙銷  
圓嶠。日月雙懸。乾坤照耀。誠哉瑤池之水清。且明鷓鴣  
乃能效職於秋卿。試問前朝錦衣鳥。依倚玉案何縱橫。  
幾曾服此上上刑。撰青詞兮頌聖母。於千萬年寰海平。

舟夜

滄江月落衆星明。萬里銀河到地清。遠浦微風魚斲火。  
小橋涼露砲船更。關山廢壘連蟲語。湖海詩情入櫓聲。  
西域未平征餉急。吳中幸報有秋成。

暮秋泛舟出郭

黃花官閣足消愁。卻泛南湖解艫舟。漠漠白雲明遠渚。  
疏疏紅樹出高樓。孤洲有寺殘僧守。廢塔無鈴野鶴投。  
萬竄靜觀均得所。新晴况是晚禾秋。

訪煙雨樓址

雪門詩草

卷十

上元初集

五

古石嶽寄絡翠藤。頽垣碎瓦久無稜。懶僧不掃門前艸。  
故老能談樓上燈。晴入川原孤樹暖。秋回城郭暮霞蒸。  
家僮助我歸舟興。半渡湖中買綠菱。

無因

紫燕舊相識。依依尋故人。不妨舉珠幕。借以雕梁春。奈  
何野鴛鴦。笑入稱嘉賓。飄泊何處來。素昧平生親。引吭  
訴胸臆。喃喃太無因。拂袖驅之去。翩然入西隣。浮雲擾  
碧落。狂風吹白蘋。江湖多蕩子。拔劍不須嗔。

題桐鄉令高南軒得鹿圖



我思唐之魏鄭公。投筆逐鹿何慷慨。驅馬仗策謁天子。  
身畫凌煙照當代。究竟逐鹿何如得。鹿豪斑龍脯佐松  
花醪。虎頭燕頰飛食肉。封侯萬里眞吾曹。君騎白馬霜  
林下。健僕追隨紛五馬。縱轡揚鞭應疾馳。韜弓箠矢胡  
安雅。乃知不欲作禽荒。直詠騶虞彼茁者。且言自離荆  
州城。磨盾江淮草木聲。中原轉戰數千里。黃沙蹴踏暮  
雲橫。彎弓手射封狼背。掬飲黃鷹鼻火生。少年意氣薄  
霄漢。兩耳不知笳鼓鳴。於今栽花臥東海。飲馬桐溪泉  
水清。難忘馳驅半生苦。聊寫當年校獵行。見獵技癢我  
無彼此與君共。礪公忠矢。

遣興

霜勁繁華洗。風高老木強。養生驅嗜欲。憂道著文章。  
今古衣裳會。乾坤酒食場。何人抉根本。搖筆問蒼蒼。  
風雲雖變態。日月自常經。海抱無邊白。天迴萬古青。  
干戈除舊箠。詩禮發蒙硯。俯仰觀羣類。相期飲德馨。

對菊

雪門詩草

卷十

上元初集

學

連年種菊繞郡齋。爲愛秋來慰蕭瑟。今年雨多傷其根。  
孤芳落落十存一。世間物希轉見珍。捲簾坐對青霜晨。  
翩翩黃蝶冷相抱。幽香苦戀如前因。友人更贈揚州種。  
數枝新艷倍矜寵。千里邗江載月來。自昔高人聲價重。

尋本覺寺三過堂故址

今名萬壽寺

本覺禪林禾郡西。東坡三過舊留題。詩碑臥草香獐窟。  
古井存欄怪鳥啼。水繞山門橫石匣。雨淋佛座壞金猊。  
行人指點黃榆古。霜葉飄飄萬壽溪。

過茶禪寺

寺舊名三塔。茲名乃乾隆坡三過烹茶之意。

御賜取東坡三過烹茶之意。有御題詩云。予思

雪門詩草

卷十 上元初集

仍舊貫借 龜賜新題

輕舟迴櫂問茶禪。小寺殘僧結數椽。芳艸昔年邀御  
輦。東風三月泊香船。南來湖雨侵城濕。北去江流抱塔  
圓。敬洗蒼苔瞻西廡。藻新題舊貫費流連。

寄鄞縣陳魚門同年

素筵傳來索寫詩。耽吟慙破故交知。揮毫獨坐梅花下。  
正是南湖小雪時。

張望青山隔越中。甬江乍浦一波通。年來滄海鯨魚靜。  
相對扶桑曉日紅。

挽包山陸袖海學博

袖海名恩澍教授余兒子方藻者數年學問廣博性嗜酒

有游禹陵詩云禁酤不聞書夏史禹非惡酒惡其旨包茅列貢白荆州小正復書用觴始若使當年絕釀醕縮酒之典應手裁胡為山疊與龍勺制器猶復窮奇環語雖附會見亦奇詭幸以酒戕其生歿於蘇州書局

平生最愛杯中物今日遙遙奠菊花料得黃泉無約束不妨詩酒作生涯

題林屋徐友三靜觀圖

乾○圓○靜○也○專○日○月○卻○西○流○坤○厚○靜○也○翕○江○河○仍○東○浮○陰○陽○相○摩○盪○運○動○成○春○秋○惟○以○動○觀○動○如○行○舟○視○舟○兩○舟

雪門詩草

卷十 上元初集

十一

俱○不○停○來○去○迷○所○由○何○如○居○岸○傍○目○送○為○夷○猶○風○帆○自○戢○戢○吾○心○長○悠○悠○靜○觀○蓋○此○意○丹○青○知○之○不○太○湖○有○林○屋○縹○緲○如○瀛○洲○湖○水○日○以○漾○湖○山○日○以○幽○山○中○自○太古○日○落○烟○嵐○收○我○欲○從○君○往○桃○花○為○少○留

雪門詩草卷十一

上元初集

善化許瑤光雪門甫著

庚午年

楊石泉中丞臨禾大閱書事

添餉裁兵政令新。五年大閱奉丹綸。代天巡狩黃

旗字。伏地焚香六纛神。練甲金搖東海日。花驄玉斂五

湖春。重稽軍實中興象。感歎禾中白髮人。會典大閱各

實五年也此間自咸豐以來久停此舉斯乃恪靖伯

裁兵添餉之後第一次也其將臺旗書代天巡狩

雪門詩草

卷十一 上元初集

難○忘○武○備○箭○亭○碑○帳○殿○親○環○甲○冑○時○聖○主○夔○韃

猶○按○隊○封○疆○節○鉞○敢○忘○危○當○年○鐵○券○親○臣○出○此○日○錢○江

重○鎮○揮○轉○想○天○棊○環○北○極○黃○雲○深○處○海○螺○吹○會○典○大○閱

韃由左翼入蓋重武事不忘箭亭遺訓也以外省

大閱會典向止請派滿洲大臣蓋嘉慶道光以來乃

陪中丞宴南湖

春○蒐○禮○罷○宴○南○湖○湖○上○春○光○二○月○映○初○放○桃○花○籠○寶○馬

乍○青○楊○柳○繫○飛○鳧○時水師未裁艷○談○巡○幸○摹○碑○去○問○訊○農

桑○足○雨○無○軍○令○分○明○杯○數○舉○醉○歸○頻○看○玉○麟○符

送郭穀齋之任温州

穀齋乃遠堂中丞之家督也  
曾隨香泉中丞之粵守肇慶

三月由拳柳青青送客行。繡衣江上路花棒。海邊城東  
粵留餘惠南洋借重名。詩情應更遠。謝草繞池生。  
昨歲申和約。東甌啟馬頭。通商關大計。安浙恃邊籌。儉  
飲龍湫水。清消蠶市樓。花驄紆玉勒。坐肅對滄洲。  
撫鄂威名大。嚴君世重臣。趨庭傳治譜。報最慰雙親。  
仙桂蟠根古。蒼松滿抱春。鄰封靜鳴析。感及故鄉人。  
霜後黃柑脆。應過橋李香。風雲盤雁宕。煙雨憶鴛鴦。揚  
柳登樓遠。桃花隔嶺長。離情何所似。梅雨漲蒼茫。

雪門詩草

卷十一  
上元初集

題嘉興王芑亭學博攜李譜

君謨閩人譜荔支。但誇閩產無乃私。後來永嘉韓太守。  
橋錄止錄温州宜。賢豪所居攷名物。棠陰枌社爭留貽。  
不比茶譜暨筍譜。鋪張珍味供朶頤。我守橋李已七載。  
淨相芳根兵後在。六月炎威啖此消。交梨碧柰浮東海。  
曾讀頻羅菴主章。筠籠盈咫風露香。一笑金婆換西子。  
二句山舟先生詩中語遠餉追和丁見堂。幾欲繙書稽越絕。醉李  
二字增傍徨。有如衛風報瓊玖。刺淫美伯今難詳。茲李  
名地紀麟筆。定公乙巳吳王光。夫椒行成乃丁未。浣紗

女始來金閨歌舞三年語溪水爪痕無乃傳荒唐今古  
蛾眉生附會傾脂有河厓有廊名花果一例視玉環  
紅捻牡丹芳君之此譜究何是浣誦芬芳漱牙齒仙液  
千年柱下君清風三日於陵子若將多識比葩經必恭  
敬止同桑梓壇邊杏子聖人居門外粟魁高士里楊梅  
從此屬君果儒雅風流問誰比我未暇譜聊作詩失卻  
驪珠割龍耳所冀牽連附驥傳勝以潘園徐園李

徐園李見

山舟  
詩

詠馬端愍被刺事

端愍字穀  
山澗澤人

雪門詩草

卷十一

上元初集

三

古人斷獄有疑獄存疑所以防欺誣今人定律刪疑獄  
陽爲明晰陰模糊昨來端愍被刺事斯變于占之所無  
既非節侯佐東漢攻蜀手握銅虎符又非伯蒼翊唐室  
削平淮蔡秉政樞麒麟仁愛不搏擊何涉封豕與饞貍  
胡爲七月西風吹慘烈白虹直貫金陵都長江蛟出波  
濤湧鍾山蛇結煙雲驅朝野震悼定相告奸人挺立轉  
不趨將軍臨訊漕帥鞫一詞莫吐空支吾其時天津構  
夷豐火燒拜堂民怒呼赫赫元臣出保定撫內綏外煩  
良謨彼族嘖嘖議未就羣疑鬼車張威弧其實南轅判

北轍事出無謂。何其迂。烏臺白簡交章奏。法星光動太  
微。隅水鏡莫測。罔兩影。雷火難燒頑石枯。罪人雖伏事  
未白。徒礫蟻蝨小。匹夫因公會。持兩浙節。浙海蜃市迷  
蓬壺。縹緲煙波浩無際。問水何處窮根株。去年青州刺  
太守。王汝今年。嶮令戕妻孥。嚴思瀛海昇平。罷兇殫何  
來。鼠輩殘人膚。我思頻年。講召募。千軍萬隊來江湖。糧  
鋤良農固不少。未免綠林與萑苻。大功既告議裁撤。猛  
虎出柙飢堪虞。蜺旌玉節鎮吳會。豈無陶冶之車徒。緣  
茲噉。葵施反噬。睚眦示報。何駭瞿私心。臆度縱未確。聊

雪門詩草

卷十一  
上元初集

四

備有識。同揣摩。君不見。桓桓征西高提督。捐軀乃在部  
下。奴死灰中多藏。伏火使我遙望深山大澤。增欷歔。

深秋出郭

深秋不岑寂。丹桂作重花。出郭問農事。黃雲千萬家。漁  
歌迎晚月。牧笛送殘霞。豐歲村居樂。霜紅擁暮鴉。

郭穀齋書來問作詩否答此

自送君行後。秋風懶作詩。看花矜自得。琢句悔前癡。江  
上白雲遠。庭前明月知。清高與疏放。兩聽世人疑。

送秀水令郭藕汀歸灘水

南湖五載異香熏。殘臘離亭忽送君。一路梅花江上雪。  
三山鶴唳海邊雲。青齊春早歸應好。吳越名高去更聞。  
聖代中興重良吏。休將霖雨繫榆枌。

炎丞五姪至自粵東。將入都以知縣指蜀勸其改。

鹽場隸粵可隨侍奉作此九月二十四日

我兄近六袞。爾弟盡瀟湘。隨侍宜家督微官。胡遠方功。  
名歸孝友世。路避風霜。此意能知否。鹽曹拙易藏。

送學使徐壽蘅侍郎旋都

迎春禮罷送星輶。海國尊前雪未消。為誦楊園從祀疏。

雪門詩草

卷十一 上元初集

更陳精舍荐賢條。風雲南楚公先達。煙雨西湖我最饒。

北去東風行未便。金閨燈好度元宵。公將離任時上兩疏一請桐鄉張履

祥入祀文廟一荐詰經精舍山長前翰林河南學政俞樾并臚經學各士多人後入祀之疏奉准而特荐

之疏被議

辛未年

度歲雜感

兒女矜守歲。除夕羣不眠。低徊及元旦。疲茶殊可憐。精  
神如庫藏。歲用有例錢。豫支而濫用。坐見生枯偏。我伴  
梅花睡。蘊蘊春夢妍。曉聞爆竹起。笑對椒花筵。淺斟不



期醉爽健迎新年。葆元還太初。得道由自然。世俗事雖  
琢。此意誰與傳。

良農事春耕。初二已舉趾。良賈逐錐刀。初三已開市。人  
生各有營。毋任流光駛。憶我垂髫時。家貧事經史。慈母  
壓歲錢。留購筆與紙。仕途廿餘年。居然繁華子。春服羅  
綺驕。春盤山海峙。沈醉逐良朋。喧噓逮僕婢。可憐好佳  
節。銷鑠貴游裏。感茲停酒杯。陳編相礪砥。慮遠轉成迂。  
前非今。或是高吟子昂詩。青陽時暮矣。

客人贈堂花。絳桃扶牡丹。薰蒸出奇艷。強博目前看。除

雪門詩草

卷十一

上元初集

六

夕天忽雪。梅花驚晚寒。嬌顏更不支。倦態倚雕闌。草木  
有本性。人心喜雕鑽。與競朝華險。何如夕秀安。君看方  
士藥。金石炮心肝。神仙誤世主。讀史發長歎。  
龍亭拜聖牌。敬知天子尊。鯉庭蕪香炷。聊答父母  
恩。佳節明禮法。高卑定乾坤。懽然來親舊。椒花香古罇。  
冠蓋上元盛。笑語東風溫。名教成樂地。謙恭招福門。濫  
游而傲惰。永以戒子孫。  
東海漾晴光。元日天正好。客云甘州軍。已戡金積堡。聞  
言向西笑。萬里春浩浩。恪靖西征初。慈宮訓垂寶。相

期以五年三年巢竟掃而此三年中艱難悲遠道協餉

鄰封嫌危地幕客惱撫臣劉蔣更宿將高連陞馬德順

倒兵久士藏奸中有哥老張脈馬嚼阜戰久民靡遺膏

原春不草盈筐理夢絲伊誰結成纜而公秉浩然鐵石

心天造西事與終始入關奏自命長城保大志堅竟耐

耿耿丹心抱頗聞袖手人切責出手藁仰賴帝界隆

依倚振天討勞苦而功高搔首對蒼昊憶公師入閩錢

江獲冬稻甲子慈雲指仙霞望斷玉皇島五年克梅循

丙辰謂可卸戰襖啟明作長庚東耀轉西皞入關復出

雪門詩草卷十一上元初集

關丁卯因捻逆犯畿輔入都慘淡閱寒燠我守鴛鴦湖祿米

已催老公今年六旬苦戰鬚應皓涼州葡萄觥飽飲潤

吻燥思公不見公眉壽向天禱心隨落日明遠照黃河

套

泊臨平

江樹蕭蕭夜有風隔山野燒逼天紅舟人不識滄桑感

道與當年兵火同

回憶仁和縮綬年夜深來此捉兵船淒涼舊事那堪說

坐對元宵江月圓

入艮山門

臨平山去半山迎。湖上高峯遠翠橫。細雨連天雙鳥急。  
疎林兩岸一舟行。喜添雪水宜糧艘。漸墾桑田剗廢營。  
不用赤亭懷古蹟。榜師催漿入杭城。

細雨

細雨洗殘雪。春生樓閣間。黃雲江上路。青暈海邊山。楊  
柳迎年動梅花。與客閑。西征聞奏捷。喜氣滿鄉關。

泊玉溪鎮

溪煙籠月碧紛紛。野店燈明兩岸分。斜倚孤舟探夜色。

雪門詩草

卷十一  
上元初集

八

疎林寒犬吹春雲。

遣興

聖主中興已十年。小臣八載海雲天。久拋湘上幽蘭畹。  
慣飽吳中晚稻田。郭住賣花蘇郡客。水停放獵島夷船。  
詩成風動紅梅雪。醉剖銀鱸錦雉鮮。

艮山門舟次贈宋叔元觀營

艮山流水倚人家。水上逢君日未斜。多恐行程誤春色。  
扁舟沽酒載梅花。

大風雷

四月十三日

萬瓦飛空萬木摧。天迴地峩走風雷。炎蒸早鬱千山氣。  
馳驟方驚大塊才。漠北黃沙沈玉帳。江南綠水盪樓臺。  
世人不解經綸意。只道蛟龍駕海來。

又作大風詠

造莫造。崔嵬之高樓。行莫行。嗟峨之扁舟。昨來大風挾  
雷雨。江湖城郭人俱愁。湖滂熯。怒萬卉。壓其工。觸天翻。  
齊州初驚黓黓怪雲聚。重壓江海波不流。俄焉奔騰橐  
籥破。乾呼坤喻難爲收。我坐齋閣不敢出。但聞牆傾棟  
折相簸揉。從西北達東南勁。黃昏直至三更休。僮僕吏

雪門詩草

卷十一

上元初集

九

民轉相詫。萬口嘈雜如蛙稠。城坊已傾石。綽楔江干沙。  
臥拔梧楸園。丁但歎梅花倒。豈知淒慘流。民憂輕舸作  
屋無寸土。長年生計依蘆洲。家鄉廬舍破。兵火短篷棲。  
息兒女嗽。濕薪炊煙煮野菜。坐擁敗絮聽更籌。可憐飛  
廉肆狂毒。顛覆破碎無一留。此陷淖泥赤腳立。彼飄江  
心雙手泅。天昏野黑無人拯。水菱草刺紛相鉤。但免沈  
溺願已足。何敢呼號將天尤。干辛萬苦問誰管。只有飄  
飄水上鷗。

驚聞力常六兄三月廿八日疾終番禺任所

兄自  
咸豐

丙申由常山別余赴應春闈不售遂以知縣人  
粵愿署饒平潮陽新會補瓊山調此所至有政  
聲以决獄平允爲外洋所懾服今年正月有道  
士投書云三月當防大限竟如其言異哉生平  
不喜吟詠  
故無遺稿

不見吾兄十六年干戈仕宦阻雲天。簿書雖誤文章業。  
島國能傳牧令賢。淚點江城春雨亂。愁心瘴海落花懸。  
可憐猶子書哀告。修短前知豈是仙。

嘉興令諸城臧可園將因入覲歸省其私餞別南

湖作此

君赴金門謁。而余奈別何。薰風搖碧樹。赤日爍滄波。飲

雪門詩草

卷十一  
上元初集

十

餞來湖上清涼近。水多荷花留客意。香裏翠禽歌。

赤緊資賢達。艱難藉運籌。西洋通互市。黃教遍神州。驕

縻雖朝政防維仗。邑侯輸君囊底智。迴首戊辰秋。

仕路如棋局。從前歲換新。我來今八載。君亦五經春。久

任中興治。遭逢減賦仁。試聽輿頌起。同作上元人。

聞道青州域。琅琊舊有臺。風霜留小篆。金石撥秦灰。北

去鄉關近。東游海岱開。不嫌迂拙意。拓本倩攜回。

題嘉興張蕖生先生西齋讀書圖應張少蕖屬

繁華過眼浮雲掃。萬事無如讀書好。蕭齋况在禾城西。

紅樹滿江霜氣老。朝讀雲霞海上來。夜讀明月鴛湖早。

繪圖毘陵貞愍湯貞愍名貽汾號雨生常州人蔭得武職旋被黜寓金陵以風流自命金陵

陷題絕命詩云死生轉一瞬名義足千秋骨月非甘棄兒孫好自謀故鄉魂可返絕筆淚難收藁葬無餘地不平積

罪尤名流抗節墨可寶先生取友得此人想見瀟灑出

塵抱兵火十年圖尚完克家有子清芬保遺編雖燼六

經存昭昭日月懸蒼昊我輩讀書貴讀經其餘大半災

梨棗書多泛讀入浮靡書少專讀轉深造題詩底用感

滄桑皇古無書明大道卮言日出雜誦繁舉世吟唔頭

盡皓尋章摘句性真瀉周情孔思憑誰討掩書獨嘯瓶

雪門詩草

卷十一 上元初集

山秋山外西風來浩浩

蔡海粟構延秋館於林屋山索詩

脩脩清風來樹梢團團明月落詩瓢秋光萬古一佳客

爽颯不似青春驕不延自至延更好讀書聲和秋聲早

童子開門桂正花碧雲滿地苔難掃我欲尋君林屋天

攜琴抱鶴聽清泉重湖渺渺紛黃葉爲問青山何處邊

題郭曉樓讀畫圖

丹青無言筆墨靜借問君從何處讀君言妙畫中有詩

流水松風寓琴筑齒牙未動心自恃萬籟摩盪無聲時

推敲已罷焚香坐。窓外雪語芭蕉枝。

曉起出郭

織月帶星明。譙樓過五更。孤燈搖水驛。一騎出江城。河漢含霜碧。川原入曙清。鵲聲何太喜。樹外曉霞生。

大雪

水驛無舟楫。蘇杭已凍河。寒雲吹不散。飛雪夜來多。人共梅花冷。天培野麥科。攜壺醉何處。樓閣白差峩。

壬申年

嘉慶五年善化唐陶山先生宰吳縣修葺六如祠

雪門詩草

卷十一  
上元初集

三

墓同治八年秀水楊利叔孝廉又集資重修并

拓地祀前明蘇守金公子尚名綱金嘉興人也

以疏減蘇賦得罪者詩云豈無他人不如我同

姓陶山先生有之維桑與梓必恭敬止楊利叔

有之張少渠函其事索詩作此以應

林文忠公宦浙時曾補梅花和靖祠竹垞曝書舊亭子

修者金陵朱述之名緒曾曾宰嘉興此皆近事重同姓豈知湘

人先可師吾湘陶山宰吳縣嘉慶之初世清晏彈琴餘

暇種桃花夢墨亭中居士見自稱華胄備官司陶山詩云千古

英豪齊下馬。况風流傳頌江南。遍斯舉於今六十年。兵  
傳華胄備官司。火重新賴時彥。秀州時彥聚蘇州。修菴兼爲鄉賢謀。拓  
地旁祀金子尚。勤恤民隱昭千秋。可憐公念蘇賦重。上  
疏洪武膺屬鏤。後來靖安况伯律。繼公之志馨香酬。而  
公發端轉寂寞。白蘋青藻無人羞。古來萬事論成敗。搔  
首蒼天雲悠悠。不有鄉人舉舊事。椒酒誰醉來長洲。  
知報賽本鉅典。公議轉借私情留。名流名宦在天壤。因  
緣香火疑前修。以族得民以地得。九兩之義何深幽。君  
不見蜀國王商祀。嚴李厚黨勤類標。青史又不見李唐

雪門詩草

卷十一

上元初集

三

勅誥夢眞容興慶宮中祭老子東來氣照函關紫

今年正月八日余五十有六桐溪書院山長嚴芝  
僧刑部以詩見贈和韻

休問年華過半百。但憑綠酒醉千鍾。江城麗日消寒色。  
海上春雲變凍容。人倚樓臺喧翠管。官閑印綬破黃封。  
陶情其索梅花笑。詩興而今老更濃。

脩然君抱滄洲志。舊是蓬萊第一人。權向名山主壇席。  
早知鄉國就陶鈞。楊園社在雖重講。桐水波長詎隱淪。  
聖代中興起霖雨。夔龍莫認葛天民。



臨平舟中

舟已入餘杭。雲開見太陽。碧樟團野色。翠竹浴溪光。天氣元宵暖。邨燈昨夜忙。吟詩消旅况。飛鳥入蒼蒼。

齒痛

痛齒直如驕將士。不能效用轉鴟張。相依唇輔成仇敵。千古膏粱養患長。一軍鼓譟衆軍譁。一齒牽連衆齒牙。應笑浙西饒太守。春風薄粥煮桃花。

春日卽事

雪門詩草

卷十一  
上元初集

古

問柳尋花老更忙。官居况在水雲鄉。清明雨阻春游興。齋閣焚香對海棠。晨起呼童插菊芽。安排晚節醉黃花。世間樂事辛勤得。休對東風聽日斜。冬不遮陽夏展陰。梧桐修潔綠森森。刪除花卉從新種。別有招涼蔭後心。憔悴珠蘭茉莉枝。去年寒勝往年時。水霜畢竟無私意。慙愧園丁少護持。誰道堂花不復開。試看庭苑牡丹臺。紅芽漸放青苞出。

不負東皇錄棄材

野桃根接碧桃梢。朶朶紅雲二月交。但把凡心換仙骨。漫山粗俗漫騰朝。

吾楚山茶種類繁。新春璀璨照名園。吳中酒醉屠蘇日。

只讓梅花管上元。

猶子還鄉介壽醪。歸船附寄閩蘭青。不知此際雲帆影。是過潯陽過洞庭。

種樹

商量疏密似論文。活潑機緘悟道勤。且莫深言聊淺語。

雪門詩草

卷十一  
上元初集

五

一年和氣在春分

初臨橋李邱民艱。漸次綢繆漸次閑。閑愛吟詩吟又倦。栽培春色與人間。

有感

大風能拔高梧倒。無力吹折纖纖草。狂雷能擊山岳移。無力擘破纏綿絲。世間陰類善膠附。國有閭寺家有隨。傷人薜荔虎乃在青雲之崇。屢長年倚山靈勢刺眼。鉤衣爲所爲。誰敢斧之山鬼嘯。昏煙毒霧迷殘照。巢妖鳥兮善啼。穴梟陽兮善笑。帝怒命益烈火焚。巖巖岳鎮。

開光耀。究竟先迷。後得能幾何。我有一語銘山阿。勸君上借雨露德。但產蔭人之修柯。林招蒼蔚南山刺。赤芾三百曹風歌。

題錢塘張子虞孝廉負書圖

所負何書。云是先人畢生之精神。負將胡往。云走荒山。寂寞之荆榛。腰無青銅錢。囊無半粒粟。錢江烽火紅漲。天愁雲塞。路行躑躅。老襁其幼。夫挈妻。西村逃東。東逃西。旦夕性命且莫保。而君負此將何爲。朝伴書起。夕伴書臥。北風慘烈。飛雪大。古木茅簷。蛛塵澆。鬼火青燐温。

雪門詩草

卷十一  
上元初集

六

土鏗但保高堂手。澤存不知全浙家。山破嗷嗷澤畔遍。哀鴻昂昂千里駒。一个于今東南旣定。四海清。橐筆作客。由拳城暮雨挑燈話曩昔。落花飛絮正清明。秦君作圖。筆縱橫。囑我題詩爲先聲。我思中興以來股肱起。蹴蹴駱胡曾左李。赤手挽住銀河水。初亦芸牕攻苦士。乃知充此負。書念出。可爲命世之元勳。處不失承家之肖子。一洗無用文章恥。無用是文章南宋鄧性之詩

東塔寺住持禪隱以詩呈覽書此勗之

學儒而談禪。固已旁門陷。學禪而吟詩。無乃綺語懺。素

絲成錦繡。墨子悲染。那知清淨理。聲聞出仙梵。種蓮  
自在香磨鏡。天然鑑慧業。成佛根底事。相誇訕。鴛湖東  
塔僧吟哦。性所慣。心隨明月空。身與白雲幻。手攜一卷  
來。雋永堪留盼。和我南湖詩。經唄有餘閒。可憐俗衲多  
水陸。終日賺。饒磬聒雲天。蔬筍擾泉澗。空門如市門。離  
塵被塵縮。何如獨吟身。拈韻時晏晏。因詩轉悟禪。馨香  
得一瓣。澄思入定時。侍趺來錦戲。持此問如來。斯理孰  
眞廣。

三月十六日宏文館作

雪門詩草

卷十一

上元初集

七

九年七次校文章。都及櫻桃四月紅。今歲訛傳有秋榜。  
星輶催迫試春風。南湖煙雨歸詩句。東海鶯花入卷中。  
况值中興羅俊乂。暫加永廣聖恩隆。

求書聯箴上公堂。我比諸生筆更忙。醉墨研香僮欲倦。  
冷金買紙價先昂。籤題弟子羣知禮。事近風流卻匪狂。  
什襲他年那敢必。已流翰札遍江鄉。

霸州崔時齋

宜枋

至禾又將游鄂

四月初二日

艱難薊北連年水。阻絕中原廿載兵。白髮重談同學日。  
青春深見故人情。花飛東海扁舟泊。月送長江萬里行。

小住不妨邀出郭。南湖樹正綠陰成。

三月初五景山九姪至。禾命其挈伴游杭。作此。

曾浮瘴海渡瓊州。又泛長江入浙舟。正好鶯花三月艷。  
莫辭煙柳六橋游。湖山訪古男兒事。都會觀風壯歲謀。  
但洗繁華紈袴習。青鞋布韞自風流。

大雨雹

三月十一日事大者秤之得十七斤

烏雲搖蕩漫青空。金蛇電掣雲之中。雷聲上騰忽下擊。  
乾坤震聳迷西東。颯颯兮橫雨。烈烈兮狂風。蛟龍乘機  
上天舞。挾持飛雹如脫弩。小者蓮芡大者槃。東村絕無

雪門詩草

卷十一

上元初集

六

西材聚。屋瓦齏。粉豆麥死打頭破。額如被谷。錯疑銀漢  
水晶宮。羣仙塵戰碎玉宇。墜地千年儻不銷。應充珠壁  
登天府。造物詭倣真。無因不雹。秋冬轉雹春。陽愆陰伏  
見盲左。申豐論天專咎人。我思雹亦霰類耳。但分大小  
無二理。霰如鉛彈。雹如礮。激射同爲火所使。雨霰雨雹  
天總寒。昨夜重衾薄如紙。

余修葺南湖亭閣有人題句云太守何庸博雅名

作此解潮

潤色湖山豈爲名。春風沂水杏壇情。况邀翠輦巡遊

地宜遂蒼黎仰慕誠補種荷花延白鷺預栽楊柳待黃鸞較他臥閣偷閑吏似覺經營日有成

南湖卽事

自題聯語自摩娑。嵌入新詩句不磨。地近釣鰲初日麗。洲臨來鳳綵雲多。樓臺燈漾潛魚樂。簫鼓船歸水鳥歌。御宿逶迤宜氣象。萬家煙雨况時和。

芍藥

秀州東郭野人家。桑樹陰中間種花。三月買來紅芍藥。能留春色在天涯。

雪門詩草

卷十一

上元初集

九

庚戌京都赴試年。豐臺一朵數青錢。明春儻遂金門講。飽看名花穀雨天。

時密時疏梅子雨。乍寒乍暖棟花風。牡丹雲散君偏壽。爲買鱒魚醉晚紅。

香絲珊朶縷金囊。迎送殘春首夏忙。吩咐詩人休重色。紅花不敵白花香。

觀滄浪亭五百名賢像拓本

像乃道光中年蘇人顧沅所刻

芝蘭雖并譽。芝不如蘭芳。星月雖同夜。星不如月光。五湖洞庭八百里。胡爲綴以蹄涔之丹陽。試上滄浪亭上

望名賢之像毋乃比擬太荒唐。太伯尼山稱至德。惟有  
墨胎清聖堪頡頏。延陵春秋讓國胄。言游上登夫子堂。  
續以秦漢晉唐侶。已覺尺鷃隨鳳皇。何況勝朝六如輩。  
煙花畫筆供疏狂。乞兒唱慣蓮花落。鳳洲評騭斧鉞揚。  
明史列之文苑已失實。奈何闖入先聖先賢場。我思歸  
愚尚書操選政。欲以詩學誇金閭。文章公器私鄉里。謬  
以貳臣跨賢王。斯舉顛倒乃更甚。一見拍碎琉璃觴。旁  
人勸我息嗔怒。云此乃出骨董商君不見殘磚剩瓦一  
入若輩手。遂與吉金樂石同價昂。

雪門詩草

卷十一  
上元初集

三

卽事

城郭濛濛乳燕斜。樓臺藹藹綠陰遮。春光暗換無人管。  
卻笑兒童拾落花。

羅熙甫親家山粵返湘來浙贈此  
四月二日

三湘時輩半金貂。四海戎容贊寶刀。愧我烽煙生白髮。  
輸君風雨守青袍。孤燈粵館寒雲重。一棹滄江夜月高。  
訪遍蒼梧來此地。五湖花柳待詩豪。

一淮水詠  
十年秋八月安徽泗州科試天長知縣  
馮至沂投淮水自盡先書絕命詞於几

吾遭辱驚嚇死路玉階汝天理七  
尺軀一淮水云云路府始知縣也

古邑宰求民芻。今縣令供差郵。破釜塘西風。秋桂花紫  
來星輶。星輶來縣令。死七尺軀。一淮水。淮水深。魚易沉。  
淮水急。鷺難立。白蘋愁。紅蓼泣。乾坤大。任翔集。胡若斯。  
悔何及。胭脂山。至今濕。

題大定楊貞女冊

青青女貞樹。乃在鳳皇之山。可渡之河。河水清且冷。白  
石何陂陀。霜風吹折河干樹。遂使河中之水。結爲寒水。  
一片長不波。河凍不可渡。黃姑向天訴。高高天不聞。賈  
志黃泉路。矢到黃泉會。結褵肯跨青鸞。再回顧。香纓一

雪門詩草

卷十一  
上元初集

五

束雪縑。絲聘錢。原是寒金鑄。嶺巖古桂不開花。香名玉  
牒千秋註。清白人家閨媛清。芳墳應致大鳥鳴。烏蒙村  
落白雪白。羅甸山川明。月明長夜貞魂自來往。飄飄孤  
鶴綵雲行。

感諷篇

貞女冊

本非屠龍手。乃釣三山鰲。奢心欲壑。冒昧犯波濤。綸  
絕竿亦折。巨海填鴻毛。何如池潢中。舉網得銀魴。朝朝  
買青錢。暮暮供村醪。蘆花依淺水。雨露沐恩膏。知足遂  
常足。天爲償其勞。奈何卑卑者。力薄志轉高。無勇扛九



鼎無風駕飛艘。可憐徒自苦。莆田莠驕。

苦熱

獸伏魚潛鳥憇林。天空海濶暑流金。江湖萬里浮雲掃。  
城闕千家夕燒深。轉憶水霜饒冷趣。誰栽梧竹補清陰。  
登樓欲喚喚秋風。到。人世難爲白雪吟。  
赫熾相逼盼來風。不道風來轉蘊隆。楊柳村莊陰漫綠。  
芙蓉池館日偏紅。馬行絕漠黃河涸。舟過荒江赤壁雄。  
借問清涼此何世。嫦娥獨擅廣寒宮。

東海蛟螭太不才。竟慳霖雨灑飛埃。輸他睡漢松風石。

雪門詩草

卷十一  
上元初集

三十一

何處豪家蓮葉杯。赫嶺荒荒萎草木。靄雲鬱鬱傍樓臺。  
只留靈鷲泉聲冷。古佛巉巖長碧苔。

黃昏羣蚋聚雷霆。更怪流螢似火星。心性水淵原自凜。  
陰陽爐炭本無形。輕便蒲筵從人攬。冷淡梅花少客聽。  
畫閣三更長不寐。欲攜枕簟就茆亭。

石家海子玩荷花。曾走春明六月車。樹繞金臺秋色早。  
雲連瓊島好陰賒。葡萄碧柰歸水椀。風鮮椰杯問酒家。  
今日鴛湖無限思。銀刀剖戰海甯瓜。  
人間那有白龍皮。天上仙廡赤腳宜。唐代繁華空水帛。

漢家詭倣起靈芝。商量北牖懸高榻。盼望南風解慍絲。  
傲吏偷閑聊賦閣。詞人消夏轉吟詩。賈誼辭林共鬱興。  
蘇子南湖玩荷同。羅熙譜作蘇詩。蘇詩蘇詩蘇詩蘇詩。  
白鷺輕鷗靜不猜。扁舟搖蕩綠菱開。篙師招手僧雛笑。  
道爲荷花冒暑來。蘇詩蘇詩蘇詩蘇詩蘇詩蘇詩蘇詩。  
香風瀲艷水雲天。今歲花開賽去年。隔岸小橋楊柳埤。  
有人遙喚渡湖船。蘇詩蘇詩蘇詩蘇詩蘇詩蘇詩蘇詩。  
綺歲羅君共玉蟾。茲來訪我慰離居。湖光自足娛詩客。  
卻看亭中榜額書。蘇詩蘇詩蘇詩蘇詩蘇詩蘇詩蘇詩。

雪門詩草

卷十一 上元初集

三

碧棟青槐石磴寒。釣鰲磯上久憑闌。歸船不許胥童摘。  
留與禾城士女看。蘇詩蘇詩蘇詩蘇詩蘇詩蘇詩蘇詩。

人有秋興

嘉興平定後。八歲入豐收。好雨真爲瑞。今年又有秋。笙  
歌煙外榜。燈火水邊樓。莫漸繁華啟。乾坤保泰謀。

友人作糴箬詩。蓋有感於前功不錄也。作此解之。

稜稜四角糴。裹以青青箬。相縛復相煎。波濤生紫鏤。一  
朝登玉盤。棄置如頃籜。開花爲結實。實結花先落。與雲  
爲施雨。雨施雲歸壑。萬事有升沈。乾坤亦囊橐。進卽退。

之門。譽乃毀所托。盈虛理固然。休訝世情薄。

李黼堂中丞去鵬至浙春游雁宕天台普陀銷夏

於西湖秋泛錢江將歸寄詩送行

突兀發奇興。乃駕長江舟。江南繁華悵已矣。冒雪遂作  
西湖游。孤山梅花笑。客早湖雲凍。瓊六橋草軒。蓋杭州  
正月忙。一鞭且出金華道。雁宕石天台。雲普陀海色青  
氤氳。煙霞笑傲度春日。世間異境來辛勤。宦游牽掣入  
山水。今古騷人類如此。冠冕文章野館花。巖谷何由結  
知已。如公落落真奇人。十年勳業西江濱。黑頭公望重  
雪門詩草

卷十一

上元初集

十四

方岳撒手高臥。瀟湘春讀書。花亦幽適。卻笑園林天  
地窄。青雲兩罷作閑雲。飄飄來往。吳天碧楮壁。楨巖錦  
字詩。蒼藤翠篠郵程冊。西泠消夏藕花居。點檢行囊富  
泉石。我想良游夢。奮飛惜哉構。李羈官迹拘束。如我人  
正多。瀟灑如公人。幾何百年好日。簿書縛凌煙之閣。空  
差峩聞道南歸。勸暫住八月錢塘潮可歌。

頗聞

頗聞鉅任轄兼圻。官苦清貧生意微。已見秋風移疾去。  
復傳愛日養親歸。皇恩雖厚身家重。權貴於今節儉

稀轉憶當年蘇武節。羝羊作牧雪充饑。  
滄海東南已定波。朝廷事事理清和。春歸瑣苑花爭  
艷。秋靜烏臺鳥不歌。去就自如真是福。艱難能任恐無  
多。幸逢寬政君休徂。赤日承乾景若何。

虎桐刀戟詠

人傳今夏武岡州。老樹空心出刀戟。昨來鄉人細詢之。  
云自虎子桐枝獲。下柄上刃鋒。鈍青森森閃閃長數尺。  
獻之官府警兵象。潛修武備防暴客。我思道光之末年。  
海晏河清圖瑞冊。文臣武職頌恬熙。胡爲佳海萌髮逆。

雪門詩草

卷十一  
上元初集

五

於今日月光重新。東南萬里休兵革。桓桓聖武定乾坤。  
貳負刑天圖白澤。草木何靈敢亂萌。直宜斬去胡刺刺。  
眞王崇道抑禎祥。銀甕山車且屏斥。朽株蒸菌作靈芝。  
漢室唐家愚可惜。六鷁五石乃陰陽。叔興有言物能格。  
事雖奇異實尋常。桃李冬花雙歧麥。風聲草木忽皆兵。  
咄哉當今之人太無識。

詠女嬰

職方九州民。雍三男冀五男勝女除青二男餘六州。  
豫究并二男三女荆一男一男不敵女舉乾三而坤六。  
女揚二男五女幽一男三女

多寡去幾許。熊夢何遲遲。魚貫何圍圍。物多生厭棄。呱  
呱向誰語。來時卽去路。生機止一黍。媧皇無如何。天低  
可倚杵。

吳興溺女多。道畏脏奩費。當湖溺女稀。妾婢不爲諱。惜  
財本儉德。迫入危。地貪財。乃敗德。轉帳饒。生意高。梧  
畏風。雨痛翦。傍枝累。楊柳任花飛。乃化浮萍翠。茫茫天  
壤間。是非胡定義。

余離常山已十六年。茲耆民徐克敬來嘉。以物見

饋感而賦此

雪門詩草

卷十一

上元初集

三

白髮遠遊徵壽相。去官能念見深情。爲言三里灘前路。  
古樹無多舊月明。

中秋月

一年十二團圓夜。不道人間重此宵。樓倚洞庭應玉笛。  
郡臨東海上銀潮。中天氣肅羣鴉伏。漠北秋多萬馬驕。  
安得吳剛揮桂斧。搗除穴兔頌兵銷。

題宋搨神龍蘭亭

蘭亭一自秘。昭陵世間久。已無真本。歐摹虞影。半恍惚。  
底事深稽攷。完損茲搨首。押神龍章。是否褚鉤。究難穩。

第觀題跋證宋榻玉叔陳奕聲山查贊雄渾尾畧新筮

張解元名廷濟號叔未家藏金石富茗琬曾見齊巒眉壽圖頡

頤相國儀徵阮黃髮工書賞鑑精至今禾人懷繾綣既

辨羣字直雙杓攬字臣斷更微婉量毫校忽不惜勞具

微入法入堂園星使長沙徐侍郎示我留觀不忍返攷

攷摹石嵌南湖轉悵永和春已遠李唐趙宋亦煙銷

國朝諸老猶袞袞翰墨流傳賴後人休嫌鐵筆鋒多偃

紀異八月十九日辛未嘉興地震

若然屋瓦懸櫺響几席搖搖神晃漾聲初西來倏然東

雪門詩草

卷十一 上元初集

七

坐立無憑迷俯仰稍定始知人地震回思轉覺寸心盪

非風非潮非雷霆世間萬變難為形黃輿二億三萬廣

厚載相等川岳靈巨熬爾司是何事胡為飄動如浮萍

毋乃貪餌坐荒忘鼓扇錢塘秋潮青否則祖龍逞狂肆

憾山鞭石來東溟觸我秦駐不得穩牽掣胥山爰山經

憶我來浙廿餘載亂前三震咸豐三年夏一兆兵鎧于

今磐石奠苞桑陽伏陰迫理難解豈有宋娥封三陽并

無竇氏擅元宰安土敦非珍土愆火煎之說令人駭客

言道光戊申年蜀西地震雷聲顯水沸山頽城郭陷人

民覆壓數萬千伊時它游嘉定府二日二夜居露天皇  
天可戴土難履富媪之德胡變遷茲乃小動匪大震休  
唱陸沈愁神仙况復神州中懸如稊米大舟藏壑水爲  
邊縱云有極究浮象罡風四面吹旋旋秋高風急偶薄  
激臆說安知非眞詮君不見貞元十年長安震渾家樹  
湧蚯蚓涎又不見熙甯滄州破地出胡桃螺蚌碎板船  
題嘉興新篁節婦王秋霞詩集

繞樓淚點長新篁四十年來韵事商讀到詩心明月冷  
五字集海濱孤鳳夜吟霜

雪門詩草

卷十一  
上元初集

天

到杭州

瓜田青翠豆田黃節過重陽未降霜人到杭州秋意好  
滿城涼露桂花香  
偶躡吳山最上頭錢塘中梗一沙洲江神不戢蛟龍玩  
愁煞西興欲渡舟  
兵經久戰驟難裁艸板紅旗尚水隈都護晚涼無个事  
看潮策馬大觀臺  
新平廢壘已青蕪葛嶺堂荒宿野鳧昨閱滄桑人不管  
空將南渡怨西湖

送溧陽宋叔元觀翥之甯波釐局

招寶山前明月生。沙船番舶甬東城。波濤五口通商地。  
蘭蕙雙江出海程。爲實軍儲資碩畫。自因外域借廉名。  
他年篋裏桓寬論。著作千秋壓漢京。

伯兄簪筆贊朝綱。江左清名世澤長。三載同舟杉閩

雨。一燈課子韭溪霜。含春凍柳搖離思。破臘梅花照客  
裝。珍重東風迎面好。紫貂衝雪渡錢塘。

劉望洲親家之伯父勤壯公殉難於廬州權厝於

浙茲來奉移歸鄂作詩紀事卽以送行

雪門詩草

卷十一

上元初集

无

勤壯徽藩授命年。咸豐三年值君剖竹浙雲天。苦尋遺蛻西

湖寄。長念丹心鄂渚懸。江海重清銷鐵甲。蛟龍萬里護  
歸船。嚴霜松柏慈烏集。自古忠門孝行傳。

鶴樓把酒聽梅花。十二年來鬢各華。君買青山謀子課。

我吟淶水愧詩家。挑燈話雪吳天冷。挂席乘潮楚澤斜。  
爲問漢陽諸島族。可遵明約弭喧譁。

寒遣

寒天少客至。庭下梅花靜。衰年愛夙興。長至晝亦永。西  
園眄凍雲。微霞烘暮景。東園延冷月。疏林少繁影。沈寥



見真象瘦句造古境塞雁爲誰來霜信蘆洲警

丹魚依凍藻藻沈魚亦停輕霜不入水浮萍依舊青昨

夜倚簷角長天飛流星初四日二更有大星自東流南赤光萬丈射江

海俱熒熒冬温似秋燥頗疑陽不扇消息難具道搔首

對青冥

白雲如波濤明月波中住冷風劃雲開光輝不相互月

行北陸寬雲自南天布半白而半青河山似分據四更

雲已銷英英變霜露圓靈萬里長中有鶴來路

倉儲

雪門詩草

卷十一

上元初集

三

有客談占驗今秋棗不實歐詩云林棗紅繁卜歲豐亦此語之反佐也應防

來歲荒欲謀積儲術躊躇勸民捐兵後少富室南漕供

北倉做賦率更悉哀多無可哀量人難敷出何況鼠有

牙何況雀有角古今論倉儲大半歸侵蝕股富不救窮

斯語向誰質

海鹽閱塘十七日

好風兼好月送我海邊城夢裏聽雙槳到來方五更雞

催秦駐曉鴉散白洋晴那敢辭霜露斯民捍衛情

父老殷勤指汪塘築最堅道光初服事五十有餘年屹

立銅牆固連環鐵勝鐫三防承乏者誰似使君賢注世海鹽所修魚鱗方石塘以生鐵錠勝合之而兩當皆有鐵鉗至今平固如舊鹽人謂之汪塘

觀近人選詩誌慨

文章性情花。今作酬應具。選政人物鏡。今作攀援路。黃河改道行何年。返其故白鶴向人舞。自失清高步。是非日以淆。真機日以鋼。何如掩卷聽田歌。綠簑煙雨饒天和。唱罷溪山幽鳥答。聲聲搖曳白雲多。

野景

荒亭峙溪口。古寺倚亭邊。疏林無落葉。寒蕪生綠煙。荒

雪門詩草

卷十一  
上元初集

三

荒野橋靜兩兩繫。漁船稚子看客過。紅襖霜風天當胸。兜棗栗凍頰。赧更妍。老翁攜杖至。以手摩其顛。四海已安謐。雞犬皆神仙。相對兩忘語。盱盱羲皇年。

村郵

村郵故打繞船更。自爲官人警夜程。我正睡酣驚忽醒。臥看蓬鐔月華明。

感事

莊嚴寶殿森清虛。繡幔名山古佛居。休道慈悲能普濟。臍中卻穴鼠銜書。

冬日偶成

天氣若不降。北風胡虺噴。地氣若不升。彤雲胡崔巍。乾  
龍與坤馬。萬古謝鞭箠。行行了無極。寒暑自往來。寒中  
悟元化。庭下梅花開。豈惟梅花開。菘芥青如苔。草木詎  
能爾。橐籥陰陽催。水堅轉浮水。雹實空中懷。冬心入詩  
句。驚起葭琯灰。

紀事

丙寅閩海造輪船。恪靖深謀濟巨川。赤堇采銅開大冶。  
沙槌伐木擇千年。乾坤萬里歸馳騁。水火雙輪入轉旋。

雪門詩草

卷十一  
上元初集

三

今歲試行裝浙漕。國儲兵事兩周全。

遣興

人生有至樂。不在傾金螺。待酒閒懷抱。酒醒夫如何。幽  
人悅泉石。豪俠迷笙歌。迂儒癖章句。騷客耽吟哦。滯物  
物終役。青空張網羅。乾坤何蕩蕩。法象供琢磨。朝興順  
陽闢。夜寐從陰陟。達人會此意。俯仰皆天和。  
東風賞春花。花落延綠陰。西風玩紅葉。墮愛疏林代。  
謝觀物化。貞元知古今。古人渺河漢。今人誰同心。聊聽  
夜階雨。疏疏如玉琴。

青燈明且靜。伴我夜讀書。照見聖賢心。萬古光華。杼讀詩。益春興。讀禮秋氣疏。典謨同夏大。麟筆嚴冬如。更有犧爻奧。四序隨卷舒。舒之彌六合。卷之一匊餘。浩浩煙水濶。噓吸聽龍魚。掩卷長太息。游心觀太虛。

鬪茶圖

不知得勝果何爲。但覺清風陣陣吹。我對春光思揖讓。免因臭味起差池。

桃園圖

春風二月武陵天。一路紅雲引去船。但種桃花傍流水。

雪門詩草

卷十一  
上元初集

三

世間何處不神仙。

倦圃菊隱圖

名園倦本舊金駝。南渡西風白雁過。慘淡黃花經戰好。蒼天似愛晚香多。

添香夜讀圖

午夜焚香明月林。秋聲搖蕩碧梧深。寒蛩簾外如相勸。休負嫦娥伴讀心。

送前台州太守劉蘭舟觀察乞假還湘

十載台州海內知。刪除叢莽種桃枝。仙人莫問劉郎意。

歸建蘭軍忠義祠

白鬻仙人詠 有序

諸暨離城東北七十里，有包村，前帶楓溪，後枕  
白塔湖，林深地僻，非關要津，也有農家子，包立  
生生而頤長，眉若劍，上橫目深而秀，膂力過人，  
健行如飛，性似癡，非癡，笑多言，少年二十餘，嘗  
兀立田間，若有所思，村人目爲默，咸豐庚申六  
月夜，宿矚禾場，有人呼立生，名視之，岸然古貌，  
白髮皤皤，一老翁也，遽問曰：識我乎？曰：否。翁曰：

雪門詩草

卷十一

上元初集

三

汝七齡時，某月日，牆傾壓汝，身得不死，我救汝  
也，記憶否？汝有夙緣，異日當爲大將，我爲汝師，  
故救汝，汝當從我遊。某日黎明，待汝於紹興昌  
安門外石橋前，我逝矣，慎毋爽約，行數武，忽不  
見，及曉，以牆覆事詢父母，果不誤，并述所遇，告  
欲往，父母駭不許，生意悄然，夜臥輾轉不成眠，  
同榻者問之，生言欲至紹興訪友，求路資於父，  
母不得，故躊躇，其人探枕下錢與之，雞初鳴，攜  
錢徑出門去，至山陰劉龔溪，適有小舟搖槳，遂

行由生村至昌安門近百里是夜抵昌安東方  
尚未明也落月西橫岸樹童童影仄涼露濕衣  
水氣浸人肌骨舍舟攀岸老翁已坐巨石上曰  
盛夏日出苦熱乘早涼待子久矣拉之行修至  
一山中有廬指曰此余住也導至門有二少年  
相揖入互通款曲俄而酒行酒赤如瑪瑙甘冽  
異凡盤中饌亦人間有惟味異而色皆白耳酒  
畢引至後堂西階臥大刀一如新發劓翁曰試  
舉之生俯而拏刀不爲動翁命少年舞一少年

雪門詩草

卷十一

上元初集

三

探手舉刀回旋轉運寒光閃爍室如繞電生微  
體生粟面有懼色翁指謂曰余初授伊刀時亦  
如汝怯世間至重事但不畏難自能勝之試壯  
爾心舉重若輕矣生念自負膂力何竟不如此  
少年憤甚乃再舉刀果如一毛翁遂授以刀法  
曰今長髮遍東南將來必至此間持此可殺之  
生告辭臨行又授以先天一目斗咒生謹誌之  
歸至家父母已先遣其兄追之遍訪無蹤影至  
劉龔溪詢舟子謂今晨并無放棹者兄乃返則

立生已在家中矣共相詫異遂一具道所閱越日生又外出次晨乃返詢之謂翁引我至諸暨南鄉斗子巖叩石扃入樓閣院宇曠然宏開一深堂中英俊滿座各披覽書籍堂下有演習武藝者技皆超越翁曰皆余徒也旋引登巖巔望氣見諸暨村莊四面皆黑氣惟東角稍淡曰此殺氣也淡處當滅耳又曰我實白鰲仙人明初助洪武陣受封金井上帝命我掌霧於此余不忍見生民慘汝歸當勸世人爲善乃與以香

雪門詩草

卷十一  
上元初集

三

曰此巖香也禮懺焚此能降上界真仙余亦感香至矣其香黃如蠟軟若敗絮袖之歸不復見來去路後於城鄉延僧供佛人哄然信之共呼爲包神仙辛酉九月諸暨城陷有鄉人入城貢賊強與俱賊見生曰此妖也欲殺之生笑而不言亦不懼賊卒不殺鄉人問何無懼色生曰賊耳何足懼殺之亦易易耳遂歸村與團練賊至服白衣白冠而前賊自披靡闔邑從而歸之杭紹避難者亦麇集約數萬人入其村膽怯者自

壯嘗夜焚銀楮鏢於營牆曰明日當有戰事以此犒陰兵耳明日果然比賊至村外且圍村立生施施自如曰天香未發非戰時也已而曰可矣各團勇亦如聞異香遂出戰戰無不捷賊中謠傳包神仙飛竹刀能落賊頭相戒不許言包字蓋立生之守村也疊牀排門以爲城而賊不能入自辛酉十月守其村至壬戌六月閱九月大小數十戰殺賊十餘萬卒以天旱水絕受其困至七月初一賊以隧道破村闔村死者十餘

雪門詩草

卷十一

上元初集

七

萬人立生冲圍出至馬面山受彈死年二十五歲其妹美英亦提刀殺賊回刀自刎雪門子曰談兵之家託始軒轅談神仙者亦託始軒轅阪泉之師教六猛獸以戰異矣涿鹿蚩尤作霧已類後世噴水吐火之符術卽帝作指南車刻仙人於其上豈五帝時已有所謂仙人耶太史公謂百家言黃帝文不雅馴或卽指此而綱目載之何耶易言弧矢取象於睽而張弧說弧先有載鬼一車之文至盲左以翼春秋而晉殺秦謀



六日而蘇誠耶安耶范甯謂左失之巫不其然  
與漢武好神仙而巫蠱禍作山東盜起唐元好  
神仙而安史亂作宋徽稱道君而北狩由是觀  
之言神仙者干戈之兆而劫運之先機也蓋從  
立生之後而觀守孤村以抗狂賊致激賊憤全  
村殉難可謂烈矣羈絆賊勢使不得逞亦非無  
裨於吳越大局矣然其先則固以神仙動人者  
也夫世以神仙動人者大抵借以惑人而謀爲  
不軌者也而立生則又不然

璠

以咸豐七年三

雪門詩草

卷十一

上元初集

三六

月宰諸暨至九年三月去任無所謂包神仙也  
至十年十一月復蒞暨則嘖嘖稱神仙不輟是  
始於是年六月遇仙也其遇仙也與黃石傳書  
相類無甚異也惟言休咎頗驗豈其真精早喪  
而鬼物附之與是立生不惑人人自惑之人自  
附之雲集霧結必有陰爲主持而驅策之者豈  
白蠶仙人之所爲與是以作白蠶仙人詠以傳  
其異焉村破後山陰侍讀學士倪杰上其狀曰  
以義士未破之時餘姚閣學朱蘭奏其可用奉

旨飭查恪靖伯復云諸暨包村傳聞異詞卓  
哉見乎此可以定包村團練之案矣

諸暨城南斗巖與天通。上有爲雲爲霧之金龍。自言舊  
是白鬣老仙翁。前明洪武助戰功。元黃血泛東海紅。定  
金取紹遂受封。回首於今五百載。茫茫大塊紛沙蟲妖  
氛。來自蒼梧中。十年纏繞天西東。有刀捷克捷。賜徐廣  
有刀。遇必隆。道光三十年。上所賜賽相者。刀有牙牌  
柄。鏤空鞘。係柔皮。鞘上記乾隆文字。四乾隆御書也。  
隆三十年。殺架青。開用一次。持以殺賊。均不利。不如老  
翁之刀光。熊熊人言。諸暨本越地。鑄刀疑出若耶銅。連

雪門詩草

卷十一

上元初集

羌

宵寶氣射斗牛。白鬣之刀。應與白猿之劍同。不然包生  
一愚農。兵法不曾孫吳攻。背負耨鋤。無寸柄。何以一呼  
殺賊千萬從。夜焚銀楮。犒厲鬼。朝待天香。將陣衝。訛言  
竹刀天上飛來迅。斬盡吳賊。越賊。曉桀空。古來戰陣賴  
神力。結草抗回稱英雄。河水江潮。豈盡妄。令我懷古心  
忡忡。此事亦在可解。不可解。起如雷電。終飄風。究竟止  
守孤村。不遠出。神仙畫策。何庸庸。牽連無數。赤子墮劫  
火。至今青燐。夜夜枯蘆叢。幸哉官軍大功告。神仙俠義  
乃得附昭忠。載鬼張弧。遇雨吉。從此光天化日。羣疑融。

追詠庚申二月杭州失守死事諸君

宿松羅壯節淡村遵殿中丞

憶昔鈴轅謁矜看贊我賢殺人誇膽壯荐士已心虔劫

運天難挽孤城命竟捐誰憐妻女殉節孝一門全已西

任甯海獲海盜十人當悉殺之申報時臬轅責以專擅公批答以有膽有識庚申正月謁公獎慰甚殷許

特荐已而為繆南卿所阻乃止蓋浙省吏治骯髒奔競成風公欲除之而附身皆崇尚奔競者故亦未能

悉其所傾軋也其室人徐婦女適陳城者俱從死焉會

文正挽之云孤城失外援差同許遠城中死萬馬迎

忠骨新自岳王墳上來蕭山侍郎高劾撤其恤典曾

文正胡文忠上其死事狀稱其為外吏二十年田畝

不增尺寸於舊赴弔其家環堵蕭然乃得旨予謚壯節祀昭忠

雪門詩草

卷十一

上元初集

罕

婺源王貞介月舫友端方伯

浙西籌海運君職督糧舟特擢屏藩寄羣驚眷顧優宣

城籌餉去廣德少兵愁最是梁間月心傷四照樓先是

惠任藩篆以協河南餉不力戶部尚書肅正執政議

去職公以糧權藩特典也時浙兵浙餉皆赴甯國府

賊自甯國縣以入廣德遂陷杭省公仰藥後復繼於四照樓謚貞介

深陽繆武烈南卿粹 齟使

閉城不主戰堅壁待援來深慮浙兵弱那知南郭頽文

章原妙手綜覈亦長才縱徃衢州勝捐軀實可哀於公長

章并講求吏治浙省清查海運皆與焉八年守衢州

有功茲之守杭也堅主閉城待援之計為中丞所信

或議其不扎營城外不知浙兵孱弱扎亦無不即潰  
之理似堅壁不為無見也第主持浙中軍事最久近  
身多不得入王壯愍劾奪其卹亦實有由惟此次守  
雲居山嚴防地道被敗於城上可謂烈矣其門人趙  
之謙伏闕訟冤乃復其卹十一  
年中丞楊又為列奏賜諡武烈

閩縣葉青原 荜 杭嘉湖道

福海豪華胄西湖久宦官笑談能鎮俗歌舞有餘歡盛

世能原著危城節况完相從兄與子地下得團圓公父

官河督公於道光中年任浙城陷率子祖豫投井  
死其僕殷福從焉兄維堅守井而哭賊至斫死

吳縣仲蘭舫 孫懋 甯紹台道

賊踪來狗蕩到卽據南屏外望三元地知開地道形登

雪門詩草

卷十一 上元初集

望

陣施火罐大角轉沈星東海汪洋水難澆慘淡熒公以

積升甯紹台道調省協防賊由武康山路走羊珠狗  
蕩以入西湖踞南屏山淨慈寺之對面有三元福地

本尼菴也賊穴其中以挖地道公登城思擲火毬以  
焚之命兵屢拋不得中公乃自燃鄭之未發火突燃

於手中傷頭日  
胸墜遂殉難死

吳縣馬雨峯 昂霄 杭守

驚嶺春雲幻飄飄樓閣成當途思幹吏劫火少人情十

日杭州守千秋馬革名城頭深巷雨古井水長清當軸

守江上松年老乃易以雨峯受事五日而杭城被圍  
十三日而城陷投城頭巷寓所井中死忠義錄謂死

於署中  
失寶

奉新徐讓木樹楠太守

南州徐孺子。白髮賦閑居。久宦家無米。憂時淚滿裾。清廉今少匹。質直喜交余。城破開門飲。從容赴義初。讓木光乙未進士仕蜀丁父憂後至浙由龍游調錢江升同知署玉環廳旋丁母憂為徐清惠所重留之後升知府城破時居箭道巷飲酒開門以待賊賊至大罵而死忠義錄謂守鎮東樓誤也且樓亦非可守地也

監利李地山福謙仁和令

玦卜城安否。清風共夜寒。地雷成劫運。神座表忠肝。臣命朱絲畢。兒遺玉玦看。更思猶子烈。投硯亦流丹。城既山卜籤於邑廟得明月清風共夜寒之句乃曰共字象廿六是夜宜防乃守雲居山以開內濠欲絕地道

雪門詩草

卷十一

望

上元初集  
之來會天雨濠不成卒以廿七日寅刻被陷城破時以玉玦與其子訣而自縊於邑廟神座側猶子元熙以知縣守巡防局賊至以硯投之被戕而死

知縣楊炳春趙景銘左煊趙翼健陳元謙劉潤

李偉文李元熙

八令同城死。江蘇傳二人。銜名雖入表。籍貫考無因。秉筆思公道。吟詩感劫塵。低徊聊補記。敢謂足千春。此次

候補知縣共八人惟吳縣楊炳春號救芸常熟趙景銘號鶴泉忠義錄中為之立傳李元熙則附見於李福謙傳中其餘則止列之表中余憶左煊號晴巖漢軍人乃甯南之後裔曾署桐廬趙翼健號秋槎乃河南舉人以從戎袁午橋先生營得官來浙陳元謙號小光陝西人曾任西安縣劉潤號芥舟河南固始舉

人曾任秀水縣李偉文號又  
卿直隸通州人曾任烏程縣

### 辛酉杭州殉難同鄉六君子詠

此次杭州告陷湖南北以知縣與難者實六人  
茲偶閱忠義錄惟江夏孫玉田有傳湘鄉李仰  
蒼列表尚有湘潭周光黼益陽周益吾武陵余  
曉滄江華楊紫芝并無名字事未久而即湮爰  
摘辭以補詠闡幽感舊據事直書不計工拙也

孫君江夏之解頭酒酣說史傾河流太平門上風啾啾

可憐白骨無人收玉田號石農善飲著有  
鑄史駢言守太平門死仰蒼從戎甯

### 雪門詩草

卷十一  
上元初集

望

國府微名歷盡干戈苦征戰餘生困守城金鞭斷折駿  
馬舞周君石帆侍郎孫飄香仙桂月中根烽火東南天  
地昏愁返昭潭雪夜魂益吾龍陽富家子爲避捐輸來  
浙水多田足穀難安居始意求榮翻効死曉滄訪得浣  
溪施教書教畫教吟詩玉樹連枝同并命免教孤鳳泣  
相思曉滄姬人何氏諸暨人  
善畫能詩同與於難芝雲揮霍黃金手鶯花廿  
載西湖久河山雖復故交稀有錢懶買餘杭酒

### 前詩既成更繫此章

乾坤戰壘久清空尚把滄桑繫寸衷已握榮毫書偉績

更磨憤墨表孤忠。秋原螢火舒愁綠。春雨鷗花洗烈紅。  
總爲湖山增壯采。忍教變滅付東風。

雪門詩草

卷十一

上元初集

四

10741

